

Parlamentario di Tweede Kamer, Raoul White kier mira mas participacion di Hulanda den Educacion, Deporte y otro sectornan di Aruba



Pagina 2

- **Carnaval safe pa tur mucha y hoben** Pagina 6
- **ACF ta restart cu nan Proyecto di Monitoria Cascabel di Aruba** Pagina 4
- **Departamento di Impuesto na Corsou ta enfrenta huicio pa leak informacion confidencial**

Pagina 8

Charla Ombudsmannen di
Reino: Comunidad a muestra
interes grandi pa haya sa
mas tocante rol y trabao di un
Ombudsman



Pagina 3

Minister
di Husticia
Hulandes
a bishita
wardanan
di polis na
Aruba



Pagina 4

Mexico:
Cinco morto
den pueblo
atrapa entre
gruponan
criminal den
guera



Pagina 10

AWE NOCHI
ELMAR Town Hall Meeting
San Nicolas

Luga: Teresita Center
Orario: 7:00 PM pa 9:00 PM

Parlamentario di Tweede Kamer, Raoul White kier mira mas participacion di Hulanda den Educacion, Deporte y otro sectornan di Aruba

Miembro di Tweede Kamer na Hulanda, Raoul White (GroenLinks-PvdA) ta boga pa un papel activo di Hulanda den e mehoracion di e calidad di educacion na Aruba, Corsou y Sint Maarten (islanan CAS.) El a expresa esaki durante un debate den comision cu Secretario di Estado pa Relacionnan di Reino, Zsolt Szabo, comparti pa e website noticiero, Koninkrijksrelaties.

“Un bon educacion ta e base imprescindible pa hendenan por desaroya plenamente,” el a afirma durante e debate cu e Secretario di Estado. “Mi ta consciente cu e paisnan ta e principal responsablenan. Un bon educacion ta ofrece hobennan e oportunidad pa participa plenamente den sociedad y tambe ta evita, por ehemplo, cu nan ta cay den criminalidad. Igualmente, un bon educacion ta e base pa un economia sostenible y stabiel.

“Actualmente nos ta observa cu tin hopi preocupacion na e islanan tocante e calidad di enseñansa. Esaki tambe ta provocando un ‘brain drain’. P’esey mi lo kier pidi na e Secretario di Estado pa, hunto cu e paisnan, explora con Hulanda por duna sosten den e mehoracion di calidad di Educacion,” White a declara.

“Awe mainta, ora mi a drenta edificio di Parlamento, mi a encontra di nobo cu e exposicion tocante e 70 añan di Statuut di Reino. E exhibicion aki ta simbolisa pa mi cu den e Parlamento aki nos ta tuma decisionnan cu ta afecta henter Reino, incluyendo e paisnan Caribense.

“Na prome lugar, e situacion geopolitico. E situacion aki ta cambiando rapidamente y por tin consecuencia pa henter nos Reino. E futuro presidente di Merca a pone atencion riba teritorionan di otro paisnan y nos ta mira tambe, por ehemplo, cu China ta purba eherce cada biaha mas influencia, tambe den Caribe. Gobierno tin un vision cla di e menasanan aki, y e Gabinete ta trahando pa contraresta e influencianan no desea aki? Durante e debate di presupuesto, a aproba un mocion presenta pa mi coleganan Ceder, Bamenga y mi persona. Con ta bayendo



cu e implementacion di e mocion aki?” White a puntra.

Lectornan di Bon Dia Aruba por recorda cu na november ultimo, Don Ceder (ChristenUnie), Mpanzu Bamenga (D66) y Raoul White (Groenlinks-PvdA) a entrega un mocion tocante influencia di China den e paisnan Caribense di Reino. Den un carta na Tweede Kamer riba e asunto, minister di Exterior a expresa preocupacion pa e influencia economico creciente di China na Aruba, Corsou y Sint Maarten.

Den un carta dirigi na presidente di Tweede Kamer, minister di Asunto Exterior, Caspar Veldkamp na comienso di november, e minister ta nota cu e paisnan di Caribe den Reino ta autonomo den creacion di relacionnan internacional economico. E principionan di politica exterior ta establece e marco pa esaki. E vulnerabilidadnan den ambito di seguridad economico en relacion cu inversionnan stranhero tambe por tin consecuencia pa Reino en su totalidad. Den e sentido aki, e influencia economico creciente di China den e region en general ta relevante.

Ministerio di Asunto Exterior ta sigui di manera general e actividadnan di China den e region y ta mantene un dialogo continuo cu e paisnan to-

cante esaki. E nota di politica di Reino, ‘Hulada-China: un ekilibrio nobo’ ta fungi como marco pa esaki.

Continuando den e debate, White a bisa: “Tocante educacion, mi ta consciente cu e paisnan ta e principal responsablenan. Pero tambe, nos tur sa cu un bon educacion ta un base imprescindible pa desaroyo di hende – y manera mi grupo parlamentario lo bisa: pa nan progreso. Un bon educacion ta ofrece hobennan e posibilidad pa participa plenamente den sociedad y ta preveni, por ehemplo, cu nan ta cay den criminalidad.”

White a continua dunando comentario riba seguridad y estado di derecho. “Pa GroenLinks-PvdA, ta fundamental cu e cuatro paisnan di nos Reino tin un estado di derecho cu ta funciona correctamente. Y cu Reino, den su conhunto, desempeña un papel importante den e garantia di estado di derecho. Sinembargo, tin preocupacion tocante esaki. Permite mi menciona algun ehemplo: e lucha contra corrupcion y e despliegue suficiente di polis, atencion forense, como tambe proteccion di e refugiadonan cu ta yega, por ehemplo, for di Venezuela. Mi grupo parlamentario ta preocupa pa e cuestionnan aki. E paisnan tin suficiente capacidad policial pa mantene orden adec-

uadamente? Tin perspectiva di un solucion pa un clinica di tratamiento penitenciario (TBS) den e parti Caribense di Reino? Y con ta para cu e situacion tocante e trato di refugiadonan, specialmente awo cu, despues di eleccion na Venezuela, tin posibilidad cu mas persona lo yega? Mi lo kier ricibi un update di e Secretario di Estado riba e puntonan aki,” el a bisa.

Continuando, el a bisa cu un tema importante pa GroenLinks-PvdA ta cambio climatico y e medidanan na paisnan CAS. “Aña pasa, lamentablemente, nos a bolbe experimenta un aumento notable den temperatura. Den Caribe, tambe nos ta mirando e consecuencianan di esaki, cu probablemente ta bay bira mas evidente ainda den futuro. Mi ta preocupa pa loke esaki por nifica pa e islanan. Casi mi no ta scucha e Gabinete papia riba e tema aki. No ta berdad cu, si no ta papia di dje, e problema ta bay resolve riba su mes. E Secretario di Estado ta comparti nos preocupacion? Por splica con e gabinete – hunto cu e islanan – ta trahando riba e lucha contra cambio climatico? Unda e Secretario di Estado ta mira oportunidadnan pa mehora y intensifica e enfoke aki? Y con Hulanda por colabora cu e paisnan CAS riba e asunto aki? Como Reino den su conhunto, nos

tin un interes comun den un strategia eficaz contra cambio climatico.”

Den e ultimo desaroyonan tocante e tema aki, december ultimo, na residencia di embahador di Australia na Hulanda, a tuma lugar recientemente un combersacion di mesa rondo riba e retonan relaciona cu cambio di clima, cu e islanan SIDS Small Island Development Staten ta confronta cune.

E seccion aki tabata organisa pa embahada di Australia y Ministerio di Asuntunan Exterior di Hulanda. Meta di e combersacionnan tabata cu representantenan di sector publico, sector priva y otro institucionan a bin acerca pa intercambia di idea riba e materia aki.

Shandra John, hefe di departamento Huridico y Union Europeo di Gabinete di Aruba a hiba palabra den number di Minister Plenipotenciario riba e retonan, experencianan y “best practice” di Aruba riba e tereno di cambio di clima. Segun un comunicado di gobierno di Aruba e tempo aya, e tabata un seccion hopi interesante unda na final tur presente por a conclui cu nos tur lo haya nos confronta cu e consecuencianan di cambio di clima, pero cu conhuntonos mester sincronisa cu otro pa asina duna otro e sosten necesario.

Y na april di aña pasa, AHATA a informa cu nan a sponsor e estudio yama CORVI, cu lo delinea kico ta e riesgonan exactamente cu Aruba tin, “pasobra ora bo tin un plan di riesgo special, e ora bo tin cu crea e accionnan cu bo mester tuma pa mitiga e problema di global warming specialmente pa Aruba,” CEO di AHATA, Tisa LaSorte a menciona e tempo aya.

Finalizando, White tabatin un ultimo pregunta den e debate, tocante deporte. “Deporte ta un actividad dibertido pa hopi hoben y tambe ta contribui na combati delincuencia. Lo ta bon pa reforsa e oferta deportivo na e partinan Caribense di Reino. E Secretario di Estado ta dispuesto pa traha, por ehemplo, cu NOC*NSF y e federacionnan deportivo pa contribui na e meta aki?”

Charla Ombudsmannen di Reino:

Comunidad a muestra interes grandi pa haya sa mas tocante rol y trabao di un Ombudsman

Diamars anochi na Universidad di Aruba a tuma lugar un charla tocante e rol y significado di un Ombudsman. E charla aki a conta cu presencia di Ombudsmannen di Sint Maarten, Corsou, Hulanda y tambe Aruba, ken pa prome biaha ta participa den e Encuentro Anual di e Ombudsmannen di Reino.

Un charla cu un sala completamente yen, locual a muestra interes di comunidad pa siña mas tocante e rol y trabou di un Ombudsman.

Un ombudsman of ombudsvrouw ta un representante cu ta investiga y duna recomendacion tocante kehonan cu hende ta haci contra negoshi of organisacion. E instituto Ombudsman ta traha den un rango di industria, pero nan responsabilidad principal ta wak y atende e preocupacionnan di hende. Pues e ta e defensor y voz di pueblo.

Un defensor di pueblo por traha tambe como un defensor di salud y seguridad humano, caminda nan ta purba di resolve asuntonan of kehonan contra organisacionnan den e sectornan financiero, di educacion, di gobierno, di salud y publico.

Varios tarea di trabou principal di un Ombudsman ta inclui haci bishitanan sin anuncio pa investiga e facilidad di organisacion bou di kehonan, sigura cu pashent-, residente- y miembronan di comunidad ta ricibi sosten apropia di negoshi- y organisacionnan.

Un Ombudsman ta boga pa gruponan subrepresenta durante investigacion y raportahe, ta duna sugerencia na organisacionnan pa mehora nan operacion-, procedura- y actividadnan cu ta afecta e publico of poblacion.

E ta colecta informacion y ta informa riba e preocupacion- of problemanan di e individuonan cu ken nan ta topa, y ta duna training y guia na personal y miembronan di comunidad tocante kehonan of asuntonan pa fomenta ambientenan sigur y saludabel.

Un defensor di pueblo por traha den un rango amplio di sector, incluyendo den ca-



pacidadnan priva y publico. Nan por traha tambe den funcionnan gubernamental, caminda nan ta duna sosten na tanto nan organisacionnan como e publico.

E funcion di Ombudsman tin tanto su beneficiaran, como tambe su desbentahanan, mescos cu otro profesionnan.

Un persona cu ta asumi e funcion di Ombudsman ta traha como defensor di pueblo y por tin hopi beneficio. Algun di e beneficiaran aki ta cu e Ombudsman ta provee resolucion di disputa efectivo pa individuonan cu ta entrega keho of preocupacion tocante un organisacion specifico.

E Ombudsman ta boga pa otronan cu kisas no por atende nan preocupacionnan directamente, e ta sostene ambientenan sigur y saludabel pa comunidad- y individuonan cu ta haci uso di servicio publico y priva, y ta fomenta confiansa den comunidadnan cu ta depende di organisacionnan publico y priva pa cuida di salud, servicio financiero, servicio humano y servicio social.

Aunke tin varios beneficio di un carera como Ombudsman, esaki ta trece cune tambe algun desbentaha. Algun di esakinan ta inclui falta di sosten, specialmente si investigacionnan no ta duna resultado, limitacionnan legal den e actividad- y pasonan cu

un Ombudsman por tuma pa resolve kehonan y atende cu preocupacionnan di individuonan, y prehuicio organisatorio pa cu e organisacion cu un Ombudsman ta traha p'e, loke ta resulta den menos defensa pa individuonan cu ta entrega keho.

Dia 1 di october 2024, Sra. mr. Jurima Bryson a hura- menta como e prome Ombudsman di Aruba. Den un reunion publico di dia 8 di juli 2024, Parlamento di Aruba a dicidi di nombra mr. Jurima A.R. Bryson pa asumi e puesto menciona di Defensor di Pueblo di Aruba, esta Ombudsman, conforme esaki e ta ser hura- menta na parlamento prome cu e lo asumi su funcion.

E encuentro anual di Ombudsmannen di Reino di e aña aki ta e prome encuentro anual cu Ombudsman di Aruba, Jurima Bryson, ta forma parti di dje. Na final di e charla den su declaracionnan na prensa Ombudsman Bryson a expresa cu e ta hopi satisfecho cu den un tempo cortico cu a anuncia cu e charla lo tuma lugar e sala tabata full yen, te na punto cu Universidad di Aruba mester a cera e registracion. Esaki a demostra e interes di comunidad pa siña mas tocante e rol y trabou di un Ombudsman.

Pa loke ta e encuentro mes, Ombudsman Bryson a splica cu e tin su motibo su tras y

pueblo di Aruba mester di dje pasobra sin e sosten di e Ombudsmannen di Reino e instituto ta bay bin, pero e no ta bay bin mesun lihe si e no tin e guia y sosten di nan. "Kiermen esaki ta necesario pa loke mi ta bezig cun'e," el a resalta.

Durante su charla Ombudsman Bryson a menciona cu como e prome Ombudsman di Aruba, den e caso aki un Ombudsvrouw, e ta sinti un tipo di presion cu e funcion ta bin cune. Contesta pregunta di Bon Dia Aruba tocante e presion cu e ta sinti el a splica cu e presion cu e ta referi na dje ta un presion cu ta bin di su mes pa realisa un bon trabou den e funcion nobo aki.

El a sigui splica cu na momento cu el a solicita pa e funcion aki el a solicita pasobra e ta kere den e instituto. "Ora ami bisa mi ta sinti presion ta pasobra mi sa e necesidad di e institucion y pakico e mester a bin, no awo pero hopi tempo caba y awo cu e t'ey e mester keda cla mas lihe posibel y ora e keda cla e mester funciona na e manera corecto," el a remarca.

El a subraya cu e presion cu e ta sinti ta bin door cu e ta un hende cu ta wak cada detaye di tur cos y kico cu e haci e ta cuestiona su mes tambe, no pasobra e ta duda di su capacidad, pero pasobra e ta mira y scrutinisa cada detaye pa sigura cu tur loke e haci ta lo miho posibel.

"Mi ta bisa si bo tin orguyo y bo tin pasion pa loke bo ta haci bo ta purba haci'e no bon, bo ta purba haci'e top. Y e ta bay ta un trabou tremendo y esey ta e idea," Ombudsman Bryson a enfatisa.



ACF ta restart cu nan proyecto di monitoria Cascabel di Aruba

Mediante un publicacion riba nan pagina di Facebook oficial Aruba Conservation Foundation (ACF) a anuncia cu nan ta restart cu e proyecto di monitoreo di Cascabel di Aruba den un esfuerzo pa yuda proteha e especie endemico aki.

E proyecto aki di ACF cu algun tempo atras tabata ser realiza den colaboracion cu diferente experto pero a stop pa un tempo, awor a restart y ta ser realiza den colaboracion cu expertonan di e especie endemico aki Dr. Jeff Goessling di Eckerd College na Florida y Dr. Matt Cross y su team di The Toledo Zoo na Ohio.

ACF a remarca cu e continuidad di e colaboracion aki ta enfoca riba studia e colebra endemico di Aruba (*Crotalus unicolor*), conoci localmente como e Cascabel.

Recientemente, e team tabata aki na Aruba pa colecta dato valioso basa riba nan habitat y poblacion pa sostene e esfuerzo di ACF di conservacion y pa train e ekipo di ACF.

E Cascabel ta un especie cu ta ser haya solamente na Aruba, haciendo e un parti esencial di e herencia natural unico. Monitoriando nan movencion y cantidad ta yuda e fundacion proteha e Cascabelnan aki miho y tambe mantene e habitat di cual nan ta depende.

E tin tamaño modera y ta alcanza un largura adulto di



aproximadamente 90 cm, y ta pisa mas o menos 1 kilogram. E ta color bruin cla, bruin, of casi ros, reflehando e color di tera di su habitat nativo, cu markanan bruin mas scur den forma di diamanta, pero e color por varia di blanco pa peach, of bruin pa berde scur. E marcanan tin biaha ta casi invisibel, of por ser mira solamente den un strepi chikito memey di e parti patras.

E especie endemico aki, cu ta ser haya solamente na Aruba ta existi solamente den habitatan di mata di sumpiña y desierto riba e mitar zuidoost di e isla.

E cascabel di Aruba ta entre e especie di cascabelnan mas raro na mundo. Mientras cu exportacion for di e isla ta ilegal, e especie aki no tin otro proteccion huridico riba e isla

tampoco. E proyecto di monitoreo di Cascabel di ACF ta crucial pa proteha e especie remarcabel aki y preserva e biodiversidad di Aruba

E Cascabel di Aruba ta come varios especie parha y lagadishi. E macho ta yega na madures sexual den kuater aña y e muhe den cinco. Despues di un periodo di gestacion di cuater luna, e muhenan ta duna lus na entre cinco y diescinco yiu bibo den un solo biaha.

Den caso cu un persona topa cu un Cascabel den su propiedad, ACF ta pidi pa tuma contacto cu e ACF Wildlife Hotline y e ekipo lo sigura cu e colebra ta ser relocalisa na un manera sigur, si ta necesario.

Keda pendiente pa un entrev-



ista cu experto di Cascabel di Aruba Conservation Foundation pa mas informacion.

Potretnan: Facebook Aruba Conservation Foundation

Minister di Husticia Hulandes a bishita wardanan di polis na Aruba

Durante su bishita na Aruba minister di Husticia y Seguridad Hulandes, David van Weel a realiza un bishita na Wardanan di Polis. Den su declaracion na e noticiero local **Noticia Cla el a expresa con e bishitanan aki a bay.**

El a remarca cu e Cuerpo ta hopi profeshonal y a alabes a menciona e hecho cu Aruba a ser nombra e isla mas sigur den Caribe. “Esey absolutamente tin di haber cu e bon trabao cu e Cuerpo ta haci akinan,” el a sigura.

El a sigui splica cu e Cuerpo Policial ta traha cu innovacion, ta wak kico ta e tendencianan den criminalidad y ta ta traha riba e parti social y e hecho cu nan ta presente den



bario, mescla cu e poblacion. Y pa loke ta e radar, el a bisa cu e ta uno hopi impenetrabel na tur banda.

E portal a puntra e mandatario tocante e scarsedad di personal cu Cuerpo Policial tin

na e momentonan y si ta algo cu Hulanda por yuda Aruba cune. Minister van Weel a indica cu e ta algo cu nan lo tene cuenta cune sigur. El a referi tambe e reunion cu ta ser realiza cada seis luna cu ta conta cu presencia di su per-

sona y tambe e ministernan di Husticia di Aruba, Corsou y Sint Maarten.

Esaki mester a tuma luga pronto tabata e motibo original cu el a bishita e isla, lamentablemente, esey no a sucede awor pa motibo di e eleccionnan aki y e formacion di gobierno cual ainda no ta finalisa y ta den proceso ainda. El a indica cu e lo bolbe den luna di juni y lo tin un reunion asina anto y lo trata topiconan manera kico por siña di otro, kico mester haci, unda e scarsedadnan ta y kico por haci pa cu esaki.

Kropschef di KPA sr. Ramon Arnhem tambe a duna un declaracion na e noticiero den cual el a indica e encuentro a bay bon y cu minister di

Husticia ta un persona cu ta para cu tur dos pia na tera y ta un persona cu tin experiencia den e ambito di husticia.

“Esey ta haci’e mas facil pa conecta di tur manera, specialmente den organisacionnan operacional. Nos tabatin un combersacion agradable di berdad. Mi tin tur confiansa den bon cooperacion,” Arnhem a indica.

Editor

Caribbean Speed Printers N.V.
 Aruba Bank N.V. Acc. #332668
 Caribbean Mercantile Bank N.V.
 Acc. #23951903
 RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
 Angenette Figueroe (closer editor)
 Leo Maduro
 Raisa Montilla
 Oriana Geerman

Ehecutivo di Benta

Sulaika Croes
 sulaika.croes@cspnv.com
 Mark Gomes
 mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
 accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
 Pablo Libre

Press

Roland Schenker (Hefe)
 Omar Ramirez
 Martin Boekhoudt
 Francis Dirksz

Colaboracion

Associated Press
 Ret Karibense

Data Key

Afiliacion

Sociedad Interamerica
 di Prensa (SIP)

DIRECCION

Adres: Weststraat #22
 Tel: 582-7800
 Email: noticia@bondia.com
 aviso@bondia.com
 info@bondia.com
 Website: www.bondia.com
 Facebook: @bondianoticia
 Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Invadi bisña ta... Birando algo normal...?

Nos bisña mas recalitrante ta haya cobertura internacional cu su menaza di invadi Puerto Rico. Esaki ta djis un simple demostracion di poder, o tin mas tras di esaki? Bon mira, dictador Maduro ta den un grupo selecto di mandatario autocratico, cu ta haya cu usurpa territorio di nan bisña no ta problema. Recientemente e grupo ey a haya, 'of all people', presidente electo Mericano join nan. Kico ta e 'next step' anto, China anunciando pa di tantisimo biaha cu nan kier haya Taiwan back? Y kico tur esaki ta significa pa nos region? Tempo pa un analisis.

Pa cuminza, di unda realmente e menaza di Maduro ta bin? E situacion regional no ta defini solamente pa nos bisña Venezuela, sino pa algun otro regimen den e mesun categoria, Cuba y Nicaragua, cu ta aliado fiel di e paisnan cu mas ta den confrontacion cu Union Europeo y Estadonan Uni: Rusia, China, Iran, Corea di Norte. Den e confrontacion di e paisnan di regimen autocratico cu nan adversarionan, Venezuela ta e punto mas fuerte di destabilizacion riba henter e continente, cu por actua na nan favor si ta necesario. Na e momento aki, cu Rusia den un situacion bastante dificil den e guerra cu nan mes a cuminza na Ucrania, no ta un sorpresa cu e 'amigonan' di Putin riba nos continente ta inicia accion cu por fortifica posicion di Rusia, cu despues di e sucesonan sumamente negativo pa nan na Siria, por usa tur apoyo cu por tin. Pues si e regimen di Maduro ta cuminza plama menaza den nos region, nos no mester ta sorprende.

Pero tin algo mas; recientemente na Rusia mes gobierno a keda sorprende pa e apoyo cu nan ta hayando di presidente electo di Merca, cu desde otro siman lo tin timon di e pais mas poderoso den su man, y ta haciendo un tremendo esfuerzo 'normalizando' e pensamiento cu ley y derecho internacional no ta relevante y cu usurpa territorio di pais bisña ta algo cu bo por djis haci: "esun cu por, por," manera nos propio expresion lo bisa...

Pakico esey ta relevante? Pasobra mientras hopi ta specula con rapido e presidente Mericano nobo lo pone un fin na e guerra na Ucrania, e 'pacificador' ta hustamente esun cu ta bisa cu e no tin problema pa usa forza militar pa ocupa Groenlandia o canal di Panama. Mientras cu su expresionnan a causa sorpresa y tumulto, realmente historia di Estadonan Uni ta marca y mancha pa ocupacion di otro pais via puro poder militar. E propio Panama ta prueba di esey siendo e producto di robo di territorio Colombiano pa crea un republica nobo pa construi e canal den man sigur di poder militar Mericano.

E parti sur di Merca tambe ta producto di guerra di ocupacion cu a costa Mexico casi mitar di su territorio original. Sin embargo, esey no ta kita cu e mesun Estadonan Uni ta opera como principal 'polis internacional' na favor di mantene democracia parlamentario, y respet pa ley y derecho. E pregunta clave awor ta: nos lo bay mira un continuacion di defensa Mericano di e soberania di Ucrania contra e intento di usurpacion Ruso, o Trump ta yega na un 'entendimiento' cu e otro podernan grandi, cu cada un por haci den nan 'traspatio' loke nan ta considera apropiada. Aña 2025 por bira un aña clave cu mas conflicto arma continua o inicia, o por conduci na acuerdo na nivel presidencial entre Rusia, China y e presidente nobo na Estadonan Uni, cu consecuencia pa e situacion na Ucrania y Taiwan, entre otro.

Pa e paisnan Europeo, entre nan esun na cual nos ta pertenece, esaki lo significa cu nan mester bay dedica hopi mas atencion y recurso na e situacion na Ucrania y e riesgonan den otro territorio cerca di Rusia. Pa Reino Hulandes ta bin acerca e riesgonan special cu ta surgi di e hecho di tin frontera cu Venezuela, loke por bira escenario di posible provocacion, den cuadro di e intentonan di Rusia pa causa sabotaje y confusion na diferente lugar, usando varios tipo di arma, manera daño na cable submarino di internet, loke nos por a mira recientemente den Lama Baltico. Por imagina anto cu nan aliadonan por participa den e tipo di intento aki. A proposito, esey ta trece nos na e tema di nos propio isla cu te awe nos gobiernonan a percura pa nos tin un solo conexion di cable internacional, loke ta haci nos sumamente vulnerable na e momento aki. Punto importante anto pa formacion di gobierno: amplia nos opcionnan permitiendone porfin un segundo cable submarino di conexion internacional. Nos ta prepara pa e tipo di accion aki?

Banda di esaki nos ta keda cu e incertidumbre di e posible fluho nobo di migrante Venezolano, fruto di e situacion aya cu no lo mehora. Esey ta pone nos dilanti algun decision dificil. Nos tin un grupo considerable di migrante Venezolano den nos territorio. Nan estadia sin documentacion ta un problema, tambe financiero pasobra nan ta traha pa por subsisti sin contribui formalmente na nos economia y caha di gobierno. Di otro banda, sigur lo contempla e riesgo cu un amnistia di algun forma lo duna e señal na otro nan cu Aruba lo ta un bon destino pa busca un mihor porvenir. Ademá cu no mester descarta e posibilidad cu e regimen lo por percura pa un fluho di 'refugiado' asina. Tur esaki ta ocasiona cu tin mas asunto pa discuti den formacion di gobierno, fuera di propone candidato pa e puesto. Aruba mester contesta...

Carnaval safe pa tur mucha y hoben

Recientemente a tuma lugar e lansamento di e di 3 edicion di e campaña di conscientisacion pa mayor y educador titula “Carnaval Safe pa tur Mucha y Hoben”. E campaña aki ta organisa door di e Comision Vision Pedagogico, cu ta consisti di 5 organizacion: Tienda di Educacion, Stichting Wit Gele Kruis, Departamento di Asunto Social, Fundacion pa Nos Muchanan y Fundacion Respeta Mi den colaboracion cu Universidad di Aruba su departamento di Social Work & Development.]

E campaña tin como meta pa presenta y trece conscientisacion riba 7 punto pa mayor tocante con pa tene mucha safe durante Carnaval como tambe 7 punto pa mayor con pa tene hoben safe durante



Carnaval. E campaña aki tin 4 diferente area di concentracion cu ta; trece conscientisacion riba plataformanan social, tayer pa e sector publico y priva, un jingle/video cu un mensahe directo pa mayornan como tambe e presencia di e comision na varios eventonan di carnaval pa asina reparti e fly-

er cu e 14 diferente puntonan como tambe pa brinda consejo y sosten na tur presente. Cada area tin nan propio actividad nan pa asina yega na e meta di conscientisa mayornan y dunadonan di cuida di e importancia di seguridad di nos muchanan y hobennan durante periodo di Carnaval.

E campaña di Carnaval 71 aki ta conta cu e sosten financiero di WEB Aruba N.V. como tambe CEDE Aruba cu a yuda cubri e gastonan pa asina haci esaki posibel. Un danki special na nan como tambe tur otro organizacion y departamento presente cu ta sostene e campaña di conscientisacion aki pa duna nos muchanan y hobennan e oportunidad pa disfruta di Carnaval 71 na un manera safe. Nos ta reconoce cu e rol di mayor ta sumamente importante y p’esey kier sostene



mayornan den nan tarea.

Por ultimo un danki special na SMAC cu tambe a duna su sosten pa nos por ta presente na varios eventonan di Carnaval pa asina por hiba e mensahe na nos comunidad. E team completo kier a encurasha tur mayor y educador

pa participa y apoya e campaña di conscientisacion aki pa asina hunto nos por tene nos muchanan y hobennan safe durante Carnaval 71.

Ban hunto contribui na un Carnaval safe pa tur nos muchanan y hobennan aki na Aruba.

SMAC ta informa:

Resultado di Prins y Pancho pa Carnaval 71

Recientemente na Aruba Entertainment Center na Dakota a tuma lugar e eleccion di Prins y Pancho pa e edicion actual di Carnaval di Aruba den bon ambiente y cu hopi diversion. Entrada pa e evento tabata gratis, pero pa esnan cu no por asisti, SMAC a anuncia e ganadornan riba su pagina di Facebook.

Den e categoria infantil tabatin dos participante, den categoria hubenil cuatro, den categoria grandi dos, y den categoria adulto dos.

E resultado ta lo siguiente:
Prins y Pancho Infantil di Aruba su Carnaval 71:
Aiden Wever y Liam Paesch
Prins Akinan y Pancho Ayanan
Representando: Dushi Carnival Group

Prins y Pancho hubenil di Aruba su Carnaval 71:
Thierzovan Duinkerck y Jaynior Kelly
Prins Build-A y Pancho Bear
Representando: Kiwanis Builders Club - TOB Carnival Group

Prins y Pancho Grandi di Aruba su Carnaval 71:
Endrick Panneflek y Brandon Dirksz
Prins Bon y Pancho Teribel
Representando: Dushi Carnival Group

Prins y Pancho Adulto di Aruba su Carnaval 71:
Randolph Ras y Quincy Hasham
Prins Mi mi mi y Pancho No no sa
Bomboshi Comedy Group

Pabien na tur e ganadonan y danki na tur e participantenan!



Expertonan ta adverti contra uso di DoxyPEP pa via di resistencia na antibiotica

(NLTimes)—**Expertonan Hulandes a conseha formalmente contra e uso di doxycycline post-exposure prophylaxis (doxy-PEP), un regimen di antibiotica diseña pa preveni infeccionnan sexualmente transmiti (STI), citando preocupacionnan tocante resistencia na antibiotica y efectonan di largo plaso riba salud.**

Expertonan ta sigui enfatisa e uso di condon como e metodo mas efectivo y mas safe pa prevencion di STI. E recomendacion ey, anuncia diamars, ta sigui lunas di deliberacion pa un grupo di tarea cu a inclui dokternan, specialistanan di malesa infeccioso, RIVM, Soa AIDS Nederland y representantenan di e comunidad LGBTQ+.

DoxyPEP ta envolva tuma 200 milligram di doxycycline—dos pildo chikito—dentro di 72 ora despues di actividad sexual. E practica aki a gana popularidad entre cierto gruponan, particularmente hende homber cu ta tene relacion sexual cu otro hende homber, debi na su efectividad pa reduci diagnosis di syphilis y clamidia pa 70 pa 90 porciento, segun estudionan internacional.

Ron Bartels, un homber di Utrecht, a cuminsa usa doxycycline pa prevencion di STI mas cu un año pasa despues di test positivo dos biaha. “Mi no tabata den un fase particu-

larmente activo, pero mi a cansa di dje,” Bartels a bisa. Durante un biahe pa Australia, el a cumpra doxycycline restante for di un tratamiento di clamidia den pasado. “El a duna mi un sentido di seguridad,” el a bisa. El a regresa cas sin cualkier diagnosis di STI.

Otronan, manera Richard Keldoulis, doño di Church in Amsterdam, tambe ta usa DoxyPEP selectivamente. “Mi ta tum’e solamente ora mi ta pensa mi ta den riesgo grandi, manera cu varios partner den un anochi,” Keldoulis a bisa.

Activista di HIV, Jürgen Moorlag, a cuminsa usa DoxyPEP na 2017 y a observa su adopcion creciente dentro di su comunidad. “Mi ta tende di dje mas y mas,” el a bisa. Moorlag a cumpra doxycycline inicialmente online y a hay’e den un mailbox na Reino Uni, unda importacion di medicacion pa uso personal ta permiti.

Profesionalnan di salud ta keda dudoso di e efectonan mas amplio di DoxyPEP. Mientras ta parce cu e regimen ta efectivo contra syphilis y clamidia, e ta menos efectivo pa gonorea, cual ya ta mustrandó un señal di resistencia na antibiotica. Alje van Dam, un microbiologista na Amsterdam UMC, a nota, “Doxycycline ta ser usa ampliamente pa otro infeccionnan, manera pneumo-



nia. DoxyPEP por aumenta e riesgo di resistencia, cual ta trece su efectividad den riesgo.”

Un otro preocupacion ta e beneficio limita di trata infeccionnan asintomatico di clamidia den hende homber. “Hende homber no sa enfrenta efectonan di largo plaso for di clamidia,” segun Hanna Bos, un especialista di malesa infeccioso na Soa AIDS Nederland. “Pues pakico hende homber cu ta tene relacion sexual cu otro hende homber mester tuma antibiotica p’e?”

Despues di casi un año di discusionnan, e grupo di tarea Hulandes a dicidi contra promove DoxyPEP pa uso amplio debi na e falta di data riba e efectonan di largo plaso. Sinembargo, e grupo ta

reconoce cu por haci expectativanan pa individualnan cu ya ta usando DoxyPEP informalmente. “Nos kier garantiza cu nan ta usando esaki correctamente y cu guia adecuada,” Bos a bisa.

Hulanda su posicion cauteloso ta diferente cu e politicanan den otro pais. E U.S. Centers for Disease Control and Prevention (CDC) recientemente a yama DoxyPEP “un innovacion necesario pa prevencion di STI,” recomendando su uso pa hende homber cu ta tene relacion sexual cu otro hende homber y hende muhe transgenero cu diagnosis recien di STI. Na Australia, expertonan ta promove DoxyPEP solamente pa prevencion di syphilis. Alemania ta limita e regimen na individualnan cu ta riba PrEP caba of bibando cu HIV,

mientras Reino Uni ta descusha su uso completamente.

Na Hulanda, DoxyPEP no ta ser prescribi formalmente, cual ta causa cu usarionan ta busca alternativanan. Keldoulis ta cumpra doxycycline durante su biahenan pa Tailandia, unda e antibiotica ta ser bendi sin prescripcion. “Bo djis mester bay botica y nan ta duna bo e pildonan, sin puntra pregunta,” el a bisa.

Mientras tanto, Moorlag a convence su dokter pa prescribi DoxyPEP. “Hende ta puntra mi cual estudio nan mester referi na nan dokter,” el a bisa. Bos, reflehando riba retonan di comportamiento, a bisa, “Pa punta dede no ta traha pa cambia comportamiento. Bo mester duna hende informacion corecto.”

OMS ta bisa cu brote sospechoso di Marburg a resulta den ocho morto na Tanzania

(AP)—**E Organizacion Mundial di Salud a bisa ayera cu un brote sospechoso di Marburg a resulta den ocho persona morto den un parti isola na Tanzania.**

“Nos ta consciente di nuebe caso te awo, incluyendo ocho hende cu a fayece,” segun hefe Tedros Adhanom Ghebreyesus a bisa den un declaracion. “Nos lo anticipa mas caso durante e proximo dianan mientras monitoreo di e malesa ta mehora.”

Manera Ebola, e virus Marburg ta origina den vleermuis y ta plama entre hende den contacto cerca cu e fluidonan corporal di individualnan infecta of superficienan infecta, manera cama contamina.



Sin tratamiento, Marburg por ta fatal den te cu 88% di hende cu ta cay malo cu e malesa. Sintomanan ta inclui keini-

tura, dolor di musculo, diarrea, sacamento y den algun caso morto for di perdida di sanger extremo. No tin nin-

gun tratamiento of vacuna autorisa pa Marburg.

OMS a bisa cu su evaluacion

di riesgo pa e brote sospechoso na Tanzania ta halto riba nivelnan nacional y regional pero globalmente abao. No tabatin ningun comentario inmediato for di autoridadnan di salud na Tanzania.

Un brote di Marburg na Ruanda, cual a ser reporta pa prome biaha dia 27 di september, a ser declara caba dia 20 di december. Oficialnan Ruandes a reporta un total di 15 morto y 66 caso, cu mayoria di esnan afecta trahadornan di salud cu a trata e prome pashentnan.

Un brote na 2023 di Marburg na Kagera, cual ta comparti frontera cu Ruanda, a resulta den al menos cinco hende mort.

Corsou su instituto di idioma nacional ta enfrenta problema financiero severo

(CoursouChronicle) - Instituto Nashonal di Idioma Korsou (INIC), e instituto nacional di e lenguahe cu a keda estableci pa promove y desaroya Corsou su idioma y cultura local, ta enfrentando problemanan financiero significativo apenas 11 luna despues di a ser funda.

INIC, cual a surgi for di un union entre Fundashon pa Planifikason di Idioma (FPI), e fundacion pa plan di idioma, y Fundashon Material pa Skol (FMS), e fundacion pa material di scol, oficialmente a cuminsa operacionnan den



december di 2023. Sin embargo, pa november di aña pasa e dificultadnan financiero a cuminsa, causando incer-

tidumbre y inkietud entre su empleadonan.

Segun Darius "Lio" Plantijn,

presidente di e sindicato di docente SITEK, empleadonan ta considerando accion legal pa garantisnan derechonan. Plantijn ta atribui e problemanan financiero na e fracaso di transferi e condicionnan i empleo for di FPI y FMS na INIC durante e adkision. Den november, e empleadonan tabata informa cu nan pagonan por para, causando frustracion y rabia.

Tensionnan a escala ora cu a keda revela cu e director a contrata un consultante pa conseho, cual ta empeora e falta di satisfaccion di empleado. Apesar di SITEK su

intentonan pa media, ningun resolucion a ser yega. E sindicato a enfatisa e responsabilidad ta keda cu e liderazgo di INIC y gobierno.

E empleadonan awo ta exige claridad tocante nan futuro y e pago di salarionan atrasa. SITEK a haci yamado na e gobierno pa interвени y provee e sosten necesario pa stabilisa e instituto.

E situacion aki ta enfatisa e necesidad urgente pa garantis e sostenibilidad di INIC y su mision di preserva y promove Corsou su herencia cultural y linguistico.

Corsou su sistema di educacion ta enfrenta desafio significativo den calidad y igualdad di oportunidadnan

(CuracaoChronicle) - E sistema di educacion na Corsou ta lidiando cu desafionan significativo pa loke ta trata standardnan di calidad basico y oportunidadnan igual pa studiantenan.

Segun dos rapport recien produci pa SEO Economisch Onderzoek den colaboracion cu University of Curaçao, solamente algun scol ta cumpli cu e standard minimo di calidad. Aproximadamente un tercer parti di scolnan ta cumpli cu e rekisitonan basico di calidad, mientras cu scolnan di HAVO/VWO no ta cumpli cu e standardnan completamente. Tambe, varios estudiante tin falta di oportunidadnan igual pa realisa nan potencial di siña.

E rapportnan ta revela cu varios scol ta enfrenta deficit structural, incluyendo un falta di docentenan cualifica,

cual ta impacta di manera negativo e calidad di practicanan didactico y pedagogico. Ademas, e ausencia di material pa duna les crea den contexto local ta haci dificil pa mehora e studiantenan su resultado academico.

Investigadornan tambe a señala diferencianan severo entre scolnan pa loke ta trata e recursonan disponibel y infraestructura. Algun scol tin falta di facilidadnan basico manera w.c cu ta funciona y areanan pa hunga cu ta safe. Den su evaluacion mas recien, e Insectorado di Educacion a confirma cu ningun scol di HAVO/VWO ta cumpli cu e standardnan minimo, y solamente 1 den 3 scol primario ta cumpli cu e rekisitonan basico.

Tocante e falta di igualdad y oportunidad, e rapport ta enfatisa un conexion notabel entre e antecedente socio-



economico di studiantenan y nan prestacion academico. Studiantenan di famianan di ingreso abao hopi biaha tin problema pa capitalisa riba oportunidadnan igual a causa di acceso limita na extra sosten of les.

Adicionalmente, un falta di material pa les multilingual ta causa cu muchanan cu ta papia un idioma otro na cas cu esun den cual nan ta ricibi les ta keda atras. E ausencia

di monitor y data confiabel ta haci dificil pa atende e problemanan aki efectivamente. "Sin bista tocante ken especificamente ta na un desbentaha, e medidanan di politica ta keda abstracto y completamente inefectivo," e investigadornan a declara.

E investigadornan a recomenda un plan di 10 punto, sosteni pa un inversion di un solo biaha di te hasta 10 milyon florin y gasto anual di

100,000 florin, pa trece mehoracion visibel. E plan aki ta inclui inversionnan specifico den sosten pa studiantenan cu tin desbentaha y esfuersonan pa haci educacion di calidad mas accesibel. Ademas, e plan ta enfoca riba haci e profesion di docente mas atractivo pa medio di ofrece miho salario y oportunidadnan di desaroyo extenso.

E investigadornan ta boga pa material di les cu ta miho aline cu e contexto local y e expansion di servicionan di educacion special. Finalmente, nan ta enfatisa e importancia di modernisa edificacion escolar y atende e faltanan den infraestructura.

E rapportnan ta urgi e creadornan di politica tuma accion rapido pa atende e problemanan aki y mehora e calidad di educacion y oportunidadnan pa tur estudiante na Corsou.

Empleado di Departamento di Impuesto na Corsou ta enfrenta huicio pa leak informacion confidencial

(CuracaoChronicle) - Un oficial di impuesto di Corsou ta den huicio pa aparentemente leak informacion confidencial na tercer partidonan.

E caso aki a surgi durante un investigacion contra oficial di polis cu tabata sospecha di otro actividadnan criminal, cu aparentemente a pidi data na e oficial en cuestion.

Segun e fiscal, e oficial di departamento di impuesto a

comparti informacion personal di coleganan y miembronan di ekipo di maneho di polis sin cuestiona e proposito di e peticion. E investigacion contra us conducta a cuminsa despues cu a descubri mensahenan riba e polis bao investigacion su telefon unda explicitamente a pidi informacion sensitivo.

E Ministerio Publico (OM) ta pidiendo un sentencia di prizon di dos luna, un periodo di libertad condicional di

3 aña y 120 ora di servicio di comunidad. Adicionalmente, un suspension di 3 aña for di su posicion ta ser exige.

Durante e audiencia pa e caso aki, e acusado a expresa cu e ta repentini di su accionnan. Su abogado di defensa a pidi un anulacion, bisando cu no a revela ningun data di impuesto, solamente informacion personal.

Corte ta anticipa di dicta su veredicto pronto.



Cuater condena pa 'gang rape' di un muhe sin cas lo pasa te cu 15 luna den detencion di hoben

(NLTimes) - Cuater homber a keda condena pa 'gang rape' cruel (violacion den grupo) di un muhe sin cas na Helmond mas o menos un aña pasa. Corte di Distrito na Den Bosch a condena tres di nan na 15 luna den un centro di detencion pa hoben, y e otro na 12 luna, pero nan cada un por haya tres luna di nan castigo suspendi si nan cumpli cu cierto condicionnan. Un di cinco sospechoso a ser haya culpabel di agresion sexual y sentencia na cuater luna di detencion hubenil.

E dama di 33 aña tabata su so riba un banki den parke dia 16 di december 2023 den e Burgemeester Geukerspark na Helmond. Corte a supone e acusacionnan, bisando cu dos di e acusadonan a gana bay cerca e dama, a mar'e, a gar'e bou di su brasanan, y



a lastr'e pa un area di yerba. "Despues el a ser pusha riba vloer y bati, a primi su boca cera pa e no por a grita pa yudansa y despues el a ser viola brutalmente varios biaha y den varios buelta door di e sospechosonan, tanto vaginalmente como analmente."

E telefon celular di e dama tambe a ser horta, autoridadnan a bisa. "Oficialnan policial a hay'e den e parke cu su nanishi y kaak hincha y su

carson rond di su rudia," e corte a skirbi.

E huicio a tuma luga tras di porta cera pasobra e sospechosonan tabata menor di edad na momento di e violacion. E sospechosonan actualmente tin 17 y 18 aña di edad. Nan ta di e gemeentenan di Tilburg y Waalwijk.

Den e caso aki, e cuater sospechoso condena pa 'gang rape' tabata tur "stranhero-

nan menor di edad sin compaña-mento," e corte a señala, bisando, "nan mester di hopi yudansa y guia ainda pa funciona den sociedad Hulandes." Tambe nan a haya orden pa paga casi 15,500 euro na compensacion na e victima.

Ministerio Publico a recomendar dos aña di detencion hubenil contra cuater di e cinco sospechoso, cu varios luna suspendi bou di condicion. Bou di ley penal hubenil, e huesnan cu ta presidi e caso por a impone un maximo di dos aña den un facilidad coreccional hubenil pa e sospechosonan condena. Nan por a agrega un orden pa pasa un maximo di siete aña den un facilidad psiquiatrico.

Si corte a scoge pa castiga e sospechosonan como adulto, nan por a ricibi te cu 12 aña di prizon pa violacion. Fiscalnan ta ser conseha pa con-

sidera un castigo recomenda di tres aña como punto di salida, y pa considera e cantidad di sospechosonan, e periodo di tempo extendi di e abuso, y e posicion vulnerabel di e victima como factornan agravante.

Huesnan na Hulanda tin e autoridad pa husga sospechosonan como adulto hasta si nan tabatin 16 of 17 aña na momento di un acto criminal. Ademas, e corte por pisa e nivel di desaroyo di un individuo pa dicidi si ta husga un adulto te cu e edad di 23 aña como un hoben.

Den casonan penal hubenil na Hulanda, tanto Ministerio Publico como acusado ta haya e oportunidad pa entrega un apelacion contra e veredicto y sentencia. Un apelacion asina mester ser presenta dentro di 14 dia despues cu e veredicto a ser emiti door di corte.

Record di 225 consejal a renuncia aña pasa

(NLTimes) - Aña pasa, 225 consejal a renuncia. Esey ta significativamente mas halto cu e 183 retiro- nan di consejal di 2023 y un record nobo, segun un estudio anual di De College- tafel pa Binnelands Bestuur. E motibonan mas comun pa retiro tabata un kiebri di confiansa politico, motibonan personal y mal salud.

Hulanda ta conta actualmente cu alrededor di 1,400 consejal. Aña pasa, 94 a retira temporalmente of permanentemente pa motibo di un kiebri di confiansa politico. E cantidad aki a bin ta baha- do ultimo añanan. Binti aña

promer, na 2004, 157 consejal a ser forsa pa stop pa moti- bonan politico.

44 consejal a renuncia pa motibonan personal manera mester di mas tempo pa nan famia, y bida priva, of pa re- fleha riba un manera nobo. 38 a sali pa motibonan di salud manera malesa, cansancio, falta di energia, of tension fisico y mental excesivo. Y 49 a retira pasobra nan a opta pa un otro trabou of pa otro motibonan, manera em- baraso of un contract interino cu ta yegando su fin.

Jeroen Van Gool, director di e Asociacion di Consejal, a yama e cantidad halto di re-

tiro hopi preocupante. Con- sejalnan a mira nan carga di trabou y tareanan aumenta enormemente den añanan recien, el a bisa Nieuwsuur. "Pero e cantidad di consejal no a crece cune. E sosten no a crece cune. Traha 60 pa 70 ora pa siman a bira e norma. E elastico ey lo kibra na cierto momento."

Consejal ta maneha un total di 43 bion euro den 370 municipio. Di acuerdo cu ley Hulandes e cantidad di consejal mester ta 20% di e cantidad di asientonan den conseho. Esey ta nifica dos consejal pa cada dies asiento di conseho. E municipionan mas grandi tin un maximo di



nuebe consejal. "Ahusta e ley ey," Van Gool a bisa e programa di asun- tonan actual. "Laga e conseho di municipio - mescos cu e Gabinete cu Ministernan - dicidi pa su mes cuanto consejal e mester." Esey tambe lo

yuda formacion di coalicion, e ta pensa. "Si bo tin un coalicion di cinco partido y bo tin solamente tres consejal, sosten politico ta mas dificil cu ora cada partido por suministra su propio consejal."

Homber homosexual bati pa grupo den curason di Amsterdam; Polis ta busca testigo

(NLTimes) - Polis ta buscando testigonan di un agresion contra un homber homosexual den curason di Amsterdam djis prome cu Pasco. Un homber y despues henter su grupo a bati un homber despues cu e victima a identifica su mes como homosexual, polis a bisa.

E asalto a sucede na e crusada di Vijzelstraat y Herengracht pa mas o menos 4:15 a.m. diadomingo 22 di december. E victima y un amigo tabata

sinta riba un banki wardando un taxi pa bay cas y a presen- cia con dos homber a insulta un pareha homosexual pa motibo di nan orientacion. Mesora despues, un di e mal- hechornan a gana bay cerca nan y a pidi un sigaria.

E victima a contesta criticando e lenguahe di e homber den su interaccion cu e pareha. "E sospechoso a reacciona vio- lentamente riba esey. Den un intento pa calma e cosnan, e victima a indica cu e tambe ta homosexual", polis a bisa.

E sospechoso a pusha e vic- tima duro patras y despues "a dal poderosamente riba cabes di e victima cu su mokete." Mientras cu e sospechoso a sigui bati e victima, mas homber a reuni rond di dje. E victima a purba di huy, pero e grupo a core tras di dje, scop e na suela y despues sigui scop su cabes, garganta y schouder mientras e tabata drumi indefenso. E grupo eventualmente a lag'e bay y a gana bay crusa e canal rumbo pa Koningsplein.



Polis ta buscando testigo. E sospechoso principal ta un homber cu tabata parce di tin mas o menos binti aña. E ta alrededor di 1.80 meter halto cu un color di cuero poco bruin y cabey preto cortico. Na momento di e atake, e ta- bata bisti un jacket multicolor

cu manga preto y carson col- or cla.

"Na Hulanda, bo tin mag di ta ken bo ta y stima ken bo kier. Ataca discriminacion ta importante y como polis, nos ta tuma e tipo di casonan aki hopi na serio," polis a bisa.

Gobierno Colombiano a intercede pa Merca retira Cuba for di lista di pais cu ta apoya terrorismo

(NTN24) – Recientemente a keda difundi un nota diplomatico firma pa embahador di Colombia na Merca, Daniel Garcia-Peña Jaramillo, den cual gobierno di presidente Gustavo Petro tabata intercede pa e retiro di Cuba for di lista di pais cu ta apoya terrorismo.

Ta trata di un carta cu a keda difundi pa medionan di comunicacion manera El Tiempo y Semana, despues cu gobierno Democrata di presidente Joe Biden a anuncia a retiro di e isla for di e lista menciona.

E carta di dos pagina a keda manda dia 17 di october 2024 na Secretario di Estado Mexicano, Antony Blinken den dje ta destaca e papel mediador cu Cuba tabatin den diferente procesonan di paz na Colombia, manera e acuerdo firma pa e presidente e tempo ey, Juan Manuel Santos y



FARC na 2016.

“Durante añanan, Cuba a desempeña un papel importante na momento di facilita esfuersonan di paz di Colombia door di actua como pais anfitrión y demostra di ta un locutor confiable cu e gruponan cu cual Colombia a mantene combersacionnan dificil. Durante gobierno di Santos, Cuba a keda designa, hunto cu Noruega, como ga-

rante di e dialogo di paz cu ELN, cu acompañamiento di Nacionnan Uni, y a fungi como pais anfitrión,” ta de-taya.

E carta ta alega cu e combersacionnan a keda suspendi pa administracion di presidente Ivan Duque y cu esaki a “presiona pa inclusion di Cuba den e Lista di Estadonan Patrocinador di Terrorismo dia 12 di januari 2021, citando e

presencia di miembronan di ELN na e isla.”

Den e carta, gobierno di Petro ta precisa cu e decision aki “tabata altamente motiva politica- y ideologicamente” y tabata bay “contra cu e miembronan di ELN tabata na Cuba riba solicitud di Gobierno Colombiano den virtud di un acuerdo internacional, como parti di e delegacion di paz.”

E nota diplomatico cu gobierno Colombiano a manda na october di 2024, ta argumenta ademas cu presidente Petro tabata comprometi desde cu a asumi corigi e “inhusticia pa cu Gobierno di Cuba” y pueblo Cubano, cu ta esun “mas afecta pa e decision mal concebi.”

Awo, ta conoci cu gobierno di Biden a admiti cu Colombia a solicita pa elimina Cuba for di e lista di pais considera como estado patrocinador di

terrorismo.

Segun fuentenan di gobierno Mericano a señala, “un di e motibonan principal pa cual inicialmente a redesigna e isla como estado patrocinador di terrorismo tabata e acusacionnan cu a alberga lidernan di Ehercito di Liberacion Nacional (ELN).”

“Por lo tanto, mirando cu tabatin un conexion cu Colombia, e opinionnan expresa pa gobierno Colombiano tabata relevante pa e evaluacion y designacion actual cu nos ta haciendo,” fuentenan di gobierno Mericano a señala.

E acusacionnan na cual gobierno Mericano ta referi tabata esunnan realisa na 2019 pa Duque despues di e atentado terrorista di ELN contra e Scol Policial General Santander, cu a caba cu bida di 22 hoben cadet y cu a resulta den e inclusion riba e lista.

Mexico: Cinco morto den pueblo atrapa entre gruponan criminal den guerra

(AP) — Scol y algun negoshi tabata cera y tiki persona tabata riba caya na e pueblo sur di capital Mexicano riba diamars, algun ora despues cu a tira cu arma di candela riba cinco persona riba e mesun caya unda otro atake a laga ocho morto apenas ocho luna atras.

Huitzilac ta den centro di un area restrictivo di estado Morelos cu organisacionnan criminal compitiendo y explotacion forestal. Esnan asesina aparentemente tabata campanando pa posicionnan local manchando e recursionan colectivo di e comunidad, manera e boske rond di dje, prome cu un eleccion programa pa maart.

Dialuna tardi, manera tur atardi den simannan recien, cuatro homber y un muhe di e gruponan compitiendo den eleccion local pa mancha e terenonan comunal y boske tabata canando cas pa cas campanando. Nan a keda intercepta pa hombernan arma riba dos vehiculo, y laga morto riba caya principal di Huitzilac.

“Mi a bisa nan años atras pa no participa, semper tin



problema,” segun Blanca Delgadillo, kende su yerno, Jose Cuevas, un agricultor, ta entre e fayecidonan. Delgadillo, 70, a bisa cu violencia a tuma over e comunidad agricola den añanan recien, forsanando su 20mil residente pa biba den miedo.

Alcalde Cesar Davil Diaz, kende a asumi su cargo dia 1 di januari, a condena e atake y a bisa cu eventonan asina “ta afecta nos municipalidad pasobra semper a tacha nos

como un hotspot” pa violencia.

E alcalde a nenga e presencia di cartelnan di droga, a rechasa e posibilidad di un motibo politico, y a bisa cu e no sa kico e motibo tabata.

Diamars mainta, restonan di sanger y cinco bela tabata visible riba e asfalt.

200 miembro di Guardia Nacional tabata yegando pa sostene polis local y estatal patruyando e area.

Jose Romero, un agricultor di 53 años, kende ta biba cerca di unda e atake a tuma lugar, a bisa cu e tabata mirando television ora el a tende e tiramento. El a bisa cu seguridad di e pueblo ta subi baha dependiendo di e presencia di forsanan di seguridad. Ora e Guardia Nacional no ta presente, e tipo di atake aki ta sucede, Romero a bisa.

Un atake mei ultimo a enfoca riba hombernan cu tabata bebe cerbes despues di

un partido di futbol, apenas dos siman prome cu eleccion presidencial Mexicano. Presidente Claudia Sheinbaum, cu a gana e eleccion, a asumi un situacion complica di seguridad. Cantidad di organisacionnan criminal ta bringa pa teritorio na Mexico, buscando pa sigura rutan safe pa trafica migrante, droga y arma, pero tambe cada bes mas pa extorsionan comunidanan.

Administracion di Sheinbaum a muestra mas disponibilidad pa bay tras di organisacionnan criminal cu esun di su predecesor Andres Manuel Lopez Obrador, pero hotspotnan ta na henter e pais. Fraccionnan di cartel di Sinaloa ta den guerra den capital estatal di Sinaloa pa lunas. Cartel di Sinaloa y di Jalisco Nueva Generacion ta bringando na un cantidad di estado desde centro na Michoacan te sur na Chiapas na e frontera cu Guatemala.

Diamars, parti di curpanan di un cantidad no identifica di victima a ser haya na un autopista den estado di Tabasco, mientras e gobernador estatal a anuncia e yegada di 180 soldado pa atende e aumento di violencia.

Puerto Rico: Departamento di Salud a yega na acuerdo preliminar pa evita ceramento di sala di emergencia na Utuado

(ElNuevoDia) – Secretario designa di Departamento di Salubridad, Víctor Ramos a informa diaranson cu a yega na un acuerdo preliminar pa evita ceramento di sala di emergencia di Hospital di Pavia, na Utuado, cu meta cu e instalacion ta reanuda su operacionnan dentro di “cinco of seis dia” bou di administracion nobo.

“A palabra cu e grupo nobo y Metro Pavia cu nan lo habri den cinco of seis dia. Nan lo ta den proceso di tuma personal pasobra e personal existente a ser kita for di trabao; Nan ta bay entrevista e empleadonan cu tabata eynan y otronan pa establece nan personal, pa despues cuminsa traha dia 20 of 21 di januari,” Ramos a splica, den un entrevista telefonico cu El Nuevo Día.

Ramos a yega diaranson na Hospital Metropolitano di La Montaña cu personal di e instancia cu e ta lidera, varios legislador y e alcalde di Utuado, Jorge Pérez Heredia, pa reuni cu e administracion di e hospital y purba yega na un acuerdo pa evita e cierre di e departamento.



E dokter a specifica cu e grupo cu lo ta encarga cu e camber di emergencia – cu ta sirbi alrededor di 28 pashent pa dia – ta yama Utuado Health Group y ta consisti di dokternan cu tin nan oficina na Utuado y dokternan cu a mancha e Centro di Diagnostico y Tratamiento di San Sebastian (CDT) pa casi 20 año. Segun Ramos, nan ta profesionalnan “experiencia” cu conoce e nesidadnan di e area, pues el a calcula cu “lo tin un bon servicio.”

Mientras cu e cambio den administracion ta luga y Ministerio di Salud ta otorga permisionan provisional

pa operacion di e facilidad medico, un ambulance lo t’ey físicamente pa transporta pashentnan na Arecibo cu mester di servicionan di emergencia.

Unabes cu e operacionnan reanuda, e facilidad medico lo ofrece servicio di salud di 7:00 a.m. pa pa 11:00 p.m., pero Ministerio di Salud a anticipa cu ta spera cu e servicionan lo ser extendi pa 24 ora den futuro.

Di otro banda, Ramos a detaya cu e cantidad di empleado kita for di trabou ta suma na 39. Esnan interesa pa sigui traha den sala di emergencia

mester pasa den e proceso di entrevista.

El a bisa cu awor ta keda na e “partidonan priva” pa drenta den negociacionnan cu e meta pa yega na un acuerdo final. E hefe designa no a bay den detayenan monetario.

“E ta un acuerdo priva entre dos partido priva. Ta bay tin un acuerdo di huur pa aworaki, pa e facilidadnan, nan lo bay di acuerdo riba cuanto. Nan lo haya permisionan interino di Ministerio di Salud pa opera mientras cu nan ta procesa e acuerdo final entre e dos gruponan priva, y e permisionan final cu Ministerio di Salud mester duna nan lo ta temporal. E parti ey lo dura lunas, pero cu e sala di emergencia habri”, el a agrega.

Diamars e institucion medico –afilia na e red di hospital di Sistema di Salud di Metro Pavia– a anuncia e cierre di e camber di emergencia y cu e lo ofrece solamente servicio di salud mental. E Secretario di Salud designa di biaha a declara cu “e lo no ser cera,” y a señala cu e instancia a autorisa e cierre erroneamente prome cu su yegada.

Ramos a bisa cu e acuerdo preliminar lo no afecta e plannan di e institucion pa expande su servicionan di salud mental. Den e anuncio oficial, e hospital afilia na Metro Pavia a anuncia cu e facilidad medico a pidi \$10 miyon a traves di e programa federal CDGB-MIT pa expande espacio y permiti 22 cama di salud mental adicional.

Segun Ramos, otro gruponan a expresa interes pa opera e camber di emergencia, pero el a bisa cu Utuado Health Group “tabata e miho alternativa.”

“Mi a bisa cu loke nos tabata kier prome tabata dialogo, y cu si no logra dialogo, e ora ey accionnan siguiente lo ser tuma manera ta necesario. Y no tabatin mester di tuma ningun accion, door di move y facilita dialogo, e problema a keda solucionado. Nos lo keda pendiente pa tur cos funciona, pa e permisionan ta na nan luga y pa esaki habri dia 20 of 21, manera acorda entre e partidonan y manera ta nos compromiso cu pueblo di Utuado”, el a bisa.

Segun ONU criminalidad a causa desplazamento forsa di un miyon Haitiano den 2024

(DiarioLibre) – Mas cu un miyon hende a sufrí desplazamento forsa na Haiti den 2024, tres biaha mas hopi cu e año anterior ora cu e cifra tabata 315 mil, como resultado di e inseguridad y caos causa pa e accion di gangnan criminal cu ta controla areanan grandi di e pais, segun datonan cu e Organizacion Internacional pa Migracion (IOM) a anuncia diamars.

“Nos ta enfrentando e mayor cantidad di personanan des-plasa pa motibo di violencia di gang den historia di Haiti”, segun e vocero di e organizacion, Kennedy Okoth Omondi, na Ginebra.

Segun cu caos a asota Haiti, 200 mil Haitiano a ser debolbi forzosamente pa nan patria año pasa, mayoria for di e paso bisña Republica Dominicana.

Ademas di violencia, e destruccion di servicionan basi-



co, particularmente cuido di salud, y scarsedad creciente di cuminda a agrava e situacion.

E pio ta den e capital, Port-au-Prince, caminda e cantidad di hende desplasa a aumenta cu 87%, y tambe den e departamento di Artibonite, cu a conoce un aumento di tres biaha den e cantidad di hende desplasa (84 mil hende) .

E impacto mas serio di e crisis aki ta ser sinti pa muchanan, cu ta forma mas cu mitar

di e poblacion desplasa, IOM a bisa.

Comunidadnan Haitiano cu ta hospeda hende desplasa tambe ta experimentando stress severo pasobra nan recursonan ta limita den un situacion caminda 83% di hende desplasa ta depende di yudansa di famia y amigonan, mientras cu e resto ta sobrevivi den sitionan di desplazamento improvisa.

Sitionan di desplazamento,

principalmente den e capital, a crece rapidamente di 73 pa 108 den un año, varios di nan ta ser sostene pa IOM y otro organisacionnan humanitario.

“Esakinan ta areanan sumamente sobrepobla cu ta carece di acceso adecua na servicionan esencial manera awa limpi, saneamento, cuminda y cuido medico,” e vocero a bisa.

IOM ta kere cu e nivel di

desplazamento interno ta un señal cla cu comunidad internacional mester redobla su esfuersonan pa stabilisa condicionnan di seguridad na Haiti y provee mas recurso financiero y humano na e Mision di Sosten di Seguridad Multinacional (MMAS), cu tin alrededor di 750 polis desplega na Haiti.

E mayoria di e personal ta di Kenya, pero tambe ta inclui personal di Bahamas, Belize, Guatemala y El Salvador.

Mas cu 315 mil hende den henter e pais tambe a keda afecta pa inundacionnan na november y december año pasa.

Pa motibo di e crisis humanitario aki, e Programa Mundial di Cuminda a asisti 1.7 miyon hende den henter Haiti den 2024 cu diferente tipo di ayudo y IOM a provee acceso na 18 miyon liter di awa limpi pa hendenan den e campamentonan por bebe.

Autor Britanico Neil Gaiman ta nenga participa den acto sexual sin consentimiento mientras mas acusador ta surgi

(AP) - Autor Britanico Neil Gaiman a publica un declaracion diaranson nengando cu el a yega di comete actonan sexual sin consentimiento despues cu un revista e siman aki a publica acusacionnan di varios hende muhe di agresion sexual.



E autor di 64 ana di "The Sandman" y e novela "American Gods" a responde na un articulo den revista di New York cu a detay acusacionnan di agresion, abuso y coercion treci dilanti pa 8 muhe. E acusacionnan di e 4 di nan a ser transmiti den juli na Toroise Media podcast.

Gaiman a bisa cu el a mira storianan tocante su persona circula riba internet pa lunanan cu "horor y consternacion." "Mientras mi tabata lesa e versionnan aki, tin momentonan cu mi ta reconoce y momentonan cu mi no ta reconoce, descripcionnan

di cosnan cu a pasa banda di cosnan cu empaticamente no a pasa. Mi ta leu di ta un persona perfecto, pero nunca mi a participa den actividad sexual cu ningun persona sin consentimiento. Nunca," Gaiman a publica riba e plataforma di red social Tumblr.

Gaiman a bisa cu el a lesa e mensahenan y combersacionnan cu algun di e acusadornan. Te ainda nan ta duna e impresion di "dos persona cu a disfruta di relacionnan sexual cu consentimiento y cu intencion di wak otro atrobe," e la declara.

"Tambe mi ta realisa, miran-

do nan, cu mi por a y mester a haci un miho trabao. Mi tabata emocionalmente no disponibel mientras cu mi tabata sexualmente disponibel, enfoca riba mi mes y no tabatin e consideracion cu mi mester a tin. Obviamente mi no tabata cuidadoso cu e personanan su curason y nan sentimentonan y esaki ta algo di cual mi ta hopi arepentí," Gaiman a comenta.

Mayoria di su acusacionnan ta relaciona cu ocasionnan unda Gaiman tabatin 40 of mas ana y bibando na Merca, Britania y New Zealand. Un di e victimanan, Scarlett Pavlovich, a conta New York Magazine cu el a conoce Gaiman via su casa den e tempo aki, Amanda Palmer, riba un isla di New Zealand unda e pareha a biba cu nan yiu homber den 2022. Pavlovich ta alega cu Gaiman a abusa di su persona varios biaha, cuminsando e anochi riba cual nan a conoce otro.

Algun di Pavlovich su acusacionnan a ser haci den publico 6 luna atras den e podcast. El a bisa e revista cu el a entrega un rapport na polis acusando Gaiman di agresion sexual en januari di 2023. Polis di New Zealand no kier a bisa si Gaiman ta of tabata bao investigacion.

"En general, polis no por responde na preguntanan cu

ta busca establece si un individuo ta of tabata bao investigacion di polis. Adicionalmente, cualkier persona cu haci un keho na polis tin e derecho di privacidad," New Zealand Police a responde na AP den un email. AP su mensahenan na e agente di Gaiman, su oficina y na Bloomsbury, cu ta publicador di varios di su bukinan recien, no a ser contesta.

Lider Puertorriqueño di derechonan civil José 'Cha Cha' Jiménez ta fayece cu 76 aña

(AP) - José 'Cha Cha' Jiménez, un lider prominente di derechonan civil y figura di movimiento di liberacion ademas di fundador di Young Lords Chicago y co-fundador di Rainbow Coalition a fayece cu 76 aña.



Su ruman muhe, Daisy Rodriguez, a bisa den un publicacion riba Facebook cu el a fayece diabierna mainta. E causa di su morto te ainda no a ser duna.

Jimenez, den ana 1960 a funda Young Lords como un gang di caya pa contraresta e hostilidad creciente contra e comunidad di Puerto Rico na Lincoln Park, na e momento cu e tabata un di e barionan den mas pobresa di Chicago. Pa 1968, e grupo a bira un organizacion di derechonan humano inspira pa Black Panther Party, segun Library of Congress su archibonan. "Cha Cha a bira un di e figuranan mas clave den derechonan civil y movemetonan di liberacion," e familia a bisa den un declaracion riba rednan social. "E ta laga atras un legado profundo di spirito revolucionario, un vision di Puerto Rico su determinacion propio y compromiso na husticia pa pueblo."

Young Lords a desafiar racismo institucional y brutalidad di polis ademas di boga pa cuidado di salud, educacion y vivienda accesibel. Young Lords tambe a establece programanan gratis pa desayuno, educacion y cuidado di salud ademas di espacionan comunitario pa organisa y exige cambio.

Segun e obituario di Jimenez di Pietryka Funeral Home., varios hobennan cu a uni Young Lords tabata inspira pa su pasion, liderazgo y comprension di kico ta nifica pa lucha pa e pueblo. Young Lords na Chicago a bira e base di operacion nacional, cu cede formando na New York, Philadelphia y Milwaukee. Den 1969, Jimenez a uni

forsa cu Fred Hamton di Black Panther Party y William "Preacherman" Fesperman di Young Patriots Organization pa forma Rainbow Coalition, un movimiento multi-racial di clase di trahadonan cu a uni e hendenan di color scur, Latinonan y esnan di color cla cu tabata poder for di Appalachia.

Jimenez a converti su sono pa cambio den poder politico. Den 1974, el a bira e prome Latino cu a anuncia cu e lo participa pa bira consejal na Chicago, cu oposicion pa plannan di gentrificacion, segun su obituario. Su careda a yuda e ciudad su panorama politico y a cementa poder Latino y Puertorriqueño. Den 1983, Jimenez a yuda forma e prome coalicion Latino, yudando Harold Washington bira Chicago su prome alcalde di color scur.

Despues cu e organizacion a retira di su actividadnan den fin di aña 1970, Jimenez a enfoca su energia riba preservacion di e historia di Young Lords. Den 1995, Jimenez a colabora cu DePaul's University for Latino Research pa crea Lincoln Park Proyect, un archivo di historia oral masivo di Young Lords.

Den 2023, Jimenez a ser honra pa DePaul's Center for Latino Research cu e premio prestigioso Public Intellectual Award. Den 2024 un marco historico a ser poni riba DePaul su Lincoln Park Campus pa honra Young Lords su presencia y legado den e ciudad.

Jimenez ta sobrevivi pa su 5 yiunan y 3 rumannan muhe.

Aruba Bank a inicia celebracion di 100 aña cu fiesta di aña nobo pa empleadonan



Aruba Bank a cuminsa su gran celebracion di 100 aña cu un fiesta di aña nobo pa su empleadonan, marcando e inicio di un aña dedica na honra e herencia di banco y pone bista riba futuro.

E anochi di alegria a tuma luga den un ambiente di celebracion y a inclui un discurso special di Sharon Fränkel-de Cuba, Managing Director di Aruba Bank. Sharon a expresa gratitud na su empleadonan, y a describi nan como e "motor di e banco."

"Durante e 100 aña cu a pasa, Aruba Bank a sirbi como un pilar di nos comunidad, y e confiansa ta e fundeshi di nos exito. Mientras nos ta celebra e momento special aki, nos

mester honra nos experiancia sin igual como pioneronan den e mundo bancario y continua inova pa sigui move pa dilanti," el a expresa.

Empleadonan y invitadonan a participa y e "dresscode" pa evento tabata color blauw, cu ta simbolisa nos marca. E anochi tabata yen di entretenimento, cu a inclui presentacion di Buleria y Skale, cu a crea un ambiente festivo y bon ambiente.

Mientras Aruba Bank ta celebra un siglo di excelencia, e banco ta spera un aña yen di evento di celebracion, reafirmando su compromiso pa sirbi comunidad Arubano cu profesionalismo, inovacion, y enfoke riba construi un futuro mas briyante.

Drake ta demanda Universal Musica pa difamacion relaciona na diss track di Kendrick Lamar titula 'Not Like us'

(AP)—Un pleito entre dos strea di hip-hop a escala ayera ora Drake a demanda Universal Music Group pa difamacion tocante e diss track di rival Kendrick Lamar titula 'Not Like Us'.

E caso, entrega na e corte federal na New York City, ta acusa cu UMG a publica y promove e cancion aunke esaki a inclui acusacionnan falso di pedofilia contra Drake y a sugeri na scuchadornan mester ta vigilantenan di husticia. Lamar no a ser nombra den e



pa Drake a nenga pa duna comentario ayera. representantenan pa UMG y Lamar no a responde inmediatamente na emailnan buscando pa comentario.

Den un declaracion anterior respondiendo na acusacionnan similar den casonan pre-litigacion, e compania di musica a bisa cu "e sugerencia cu UMG lo haci cualkier cos pa socava cualkier di su artistanan ta un insulto y no ta berdad. Nos ta implementa practicanan etico den nos campananan promocional."

Pelicula "E Berguensa", despues di 10 aña premia cu premio "Kadushi di Oro" na Corsou



Despues cu 10 aña pasa e tawata produci pa Desiree Croes y filma pa Ishmedia production, e pelicula cortometrahe "E Berguensa" ta ricibi e prestigioso premio di pelicula "Kadushi di Oro 2024" den Krioyo Film Festival na Corsou. For di e organisador Sr. Atalita, e productor y actornan a ricibi e premio na Aruba.

Berea Productions ta parti di e Fundacion pa conscientisa hubentud. Desde su nacemento, Berea a produci peliculanan na Aruba manera: E maleta Ros, E Berguensa, Sorry mami, No bay fo'i mi, Lus riba lama, No Mas, E Carta y A-11. E Bruha, Bruha Dianan 27, 28 y 29 di maart 2025, den Principal Theatre na San Nicolas, Berea lo ta lansando den Aruba su luna nacional e pelicula largometrahe E Bruha, Bruha. Publico ta keda invita pa apoya nos produccion nobo cu ta priminti di bira un pelicula pa ta orguyoso di dje.

Krioyo Film Festival, Corsou E prome edicion di Krioyo Film Festival tawata na october y november 2024 na Sambil, Corsou. E di dos edicion lo ta e aña aki na Aruba. Prepara e produccionnan pa participa.

"E Berguensa" E pelicula "E Berguensa" tawata filma na 2015 den e barrio di Ayo y e rolnan principal tawata Addonsito Croes, Sapphire Croes, Maroeshka Cornelie, Ingrid Eduarda, Leticia Tromp y Lilian Beselink "ShiPreke".

E storia ta tocante Mario Felipe, un mucha homber special cu a nace a consecuencia di incest den famia den añanan 60 na Aruba. Mario Felipe tawata "E Berguensa" di e famia.

Berea Productions



demanda.

E resultado, e caso ta bisa, tabata delincuentenan tirando un security guard na e cas di Drake na Toronto, Canada, como tambe acoso y odio online, cual ta un golpi na su reputacion y ta reduciendo e valor di su marca prome cu renegociacion di contract cu UMG e aña aki. E compania tin contract cu ambos rapero.

"E caso no ta tocante e artista cu e crea 'Not Like Us'," e caso ta bisa, refiriendo na Lamar. "E ta completamente tocante UMG, e compania cu a dicidi pa publica, promove, explota y monetisa e acusacionnan cu el a compronde tabata no solamente falso,

pero peligroso."

E caso a alega despues cu "UMG a haci esaki pasobra el a compronde cu e acusacionnan sorprendente lo genera un entrada enorme." Y, manera e caso ta declara, e compania a haci inversionnan grandi y a usa su conexion pa aregla cu 'Not Like Us' lo ser presenta durante e Super Bowl otro luna, unda Lamar lo ta e presentador durante halftime.

E caso, cual ta buscando un huicio y un suma pa dañonan, tambe a ripiti acusacionnan den otro casonan legal cu UMG a promove e popularidad di 'Not Like Us' riba servicicionan di streaming di musica. Representantenan

E pleito entre Drake y Lamar ta entre esun mas grandi den mundo di hip-hop den e ultimo añanan, cu dos di e streanan mas grandi di e genero memey di e conflicto. Ambos tabata colaboradornan mas cu un decada pasa, pero Lamar a cuminsa tira insultonan publico pa Drake cuminsando 2013. E pleito a escala significativamente aña pasa.

E abogadonan di Drake for di Willkie Farr & Gallagher na New York, a bisa cu e caso ta busca pa duna UMG e responsabilidad pa conscientemente promoviendo acusacionnan falso y difamatorio contra dje.


HOLY COMMUNION


Celebrate your special day with
Hilton Aruba Caribbean Resort & Casino.

Contact our catering and events team
to learn about Holy Communion packages.

BOOK NOW

Lilian Polsbroek
Lilian.Polsbroek@hilton.com
526-6120





Fanaticonan di Ajax a manifesta contra prohibicion di asistencia na Alkmaar

(NLTimes)—E municipalidad di Alkmaar tabata purbando di stop fanaticonan di futbol pa reuni cu otro durante un manifestacion pa fanaticonan di Ajax den e ciudad diamars anochi prome cu e wega entre AZ Alkmaar y Ajax den e torneo di KNVB Cup. E Ajax Supporters Delegatie a anuncia diasabra cu nan ta planea pa manifesta riba Waagplein na Alkmaar pa sobra nan a ser prohibi di asisti na e wega.

E medida aki a bin despues cu delincuentenan di Ajax a ataca un cafe cu fanaticonan di AZ na Alkmaar luna pasa prome cu un wega entre e dos clubnan. Esaki a resulta den varios hende herida. Algun tabata preocupa cu accion di represalia lo por tuma lugar durante e wega diamars.

E municipalidad a bisa dialuna cu nan tabata consciente di e plannan pa manifestacion pero a arega cu esaki no ta oficialmente registra. Esaki a nifica cu e municipalidad mester a tuma medida pa sigura



cu ambos set di fanatico no mescla. “Un sitio pa e mani-

festacion lo ser considera,” e municipalidad a bisa dialuna.

Fanaticonan a demostra nan desatisfaccion pa e prohibicion durante un wega di Jong Ajax contra Jong AZ Alkmaar dene segunda division Hulandes diadomingo. E dia ey, fanaticonan di Ajax a hisa banner cu ta bisa “Alkmaar, nos lo mira bo mañan.” Otro banner tabata criticando e alcaldenan di e ciudadnan, esta Femke Halsema, ken ta e acalde di Amsterdam, y Anja Schouten, acalde di Alkmaar.

McIlroy ta conseha McKibbin pa no drenta LIV Golf, bisando cu e sacrificio no ta bale la pena



(AP)—Rory McIlroy a expresa su decepcion cu e prospecto di Tom McKibbin drentando LIV GOLF y a adverti cu e sacrificio no ta bale la pena.

McIlroy a confirma ayera cu McKibbin, ken el a guia, a ricibi un oferta for di e circuito na Saudi Arabia y tabata pensando si e mester tuma e decision pa drenta, algun siman despues di haya un chens pa e PGA Tour pa prome biaha.

McIlroy a papia cu McKibbin “varios biaha” tocante e posible cambio y a conseh’e en contra di esaki. “Mi echt gusta Tom como persona, como hungador,” McIlroy a bisa, ken a papia durante un conferencia di prensa prome cu e Dubai Desert Classic awe. “Mi ta kere e tin hopi potencia. Wak, mi a bis’e, si

ami tabata abo, mi lo tuma otro un decision cu loke bo ta pensando di tuma. Mi sa, bo ta trahando duro pa bo haya bo carchi di tour na Merca... pa logra e meta ey aña pasa tabata un logro enorme.”

“Mi ta kere loke e posiblemente ta sacrificando, cu acceso pa majors, posiblemente un lugar den e torneo Ryder Cup, dependiendo con e hunga...si mi tabata den su lugar y mi tabatin su potencia, cual mi ta kere mi tabatin den pasado, mi no lo tuma e decision ey.”

McKibbin a crece ta hungando golf na e meusn club—Holywood Golf Club—manera McIlroy y a ser acepta pa e cuatro-biaha ganador despues di haya sa cu el a haya su carchi pa e PGA Tour, cortesía di e puntonan cu el a

gana durante e temporada di tour Europeo, despues di e DP World Tour Championship na Dubai november aña pasa.

McIlroy a bisa “personalmente pa mi, e lo ta desapuntante,” Si McKibbin drenta LIV Golf pero e no lo para den su caminda. “Loke mi lo bisa si, ainda tin hopi placa pa gana riba PGA Tour y e DP World Tour,” McIlroy a bisa. “Tin asina hopi placa den e wega, y algun lo argumenta demasiado placa den e wega pa esnan cu nos ta atrae.”

E mundo di golf ta wardando pa descubri kico e paisahe ta pa e futuro mientras negociacionnan ta continua entre e PGA Tour, e tour Europeo y e oficialnan encarga di LIV Golf. Jon Rahm, ken a move pa LIV Golf na december

2023, a bisa diamars cu e tabata emociona tocante e futuro di golf, describiendo e como un “era di oro...unda e posibilidadnan no tin limite.”

McIlroy a bisa cu Rahm ta dilusiona. “Loke mi lo ta tur cos cu a pasa den e wega durante e ultimo dos pa tres aña, mi ta pensa cu porta mi por visualisa e dominacion di e banda Mericano di cosnan por bin back un tiki pa loke ta, no cu e wega nunca tabata global, pero bo sa, purba di traha riba oportunidadnan globalmente,” McIlroy a

bisa. “Pues mi ta pensa esey ta unda nos ta, mi ta pensa nos ta den un bon posicion pa purba fortalece e pida ey di dje.”

“Tin hungadornan tremendo, berdad? Tin hungadornan tremendo cu ta hunga den tur diferente tour y tur parti di mundo, cual ta great. Pero na mesun momento, e ta bira demasiado fractura y demasiado desconfigura.” McIlroy ta buscando pa gana e Dubai Desert Classic pa di tres aña consecutivo.



CEO di SafeSport ta bisa cu revelacion di e decepcion di investigador ta “simplemente repugnante”

(AP) - E lider di U.S Center for SafeSport a skirbi den un email cu e revelacion di e detencion di un ex investigador pa acusacionnan di violacion tabata “simplemente repugnante,” mientras tambe el a bisa cu no tabatin motibo pa kere cu el a comete algun eror mientras e tabata traha na e centro.

CEO Ju’Riese Colon a manda un email na mas di 70 lider Olimpico diadomingo, poco despues cu The Associated Press a publica un articulo detayando e storia di ex investigador Jason Krasley su detencion bao cargo di violacion y trafico sexual.

“Mi ta disgusta y sumamente desapunta,” Colon a skirbi den un email, un copia di cual AP a obtene. “Mi ta tristo pa nos organizacion y e impacto cu esaki por tin riba e atletanan. Y mi ta sigur cu hopi di boso, ademas di boso miembronan, ta sintiendo un rango di emocionnan tambe. E trabao aki ta asina dificil, y pa sa cu un hende no solamente a gana nos pero tambe autoridanan, ta simplemente repugnante.”

Den un email manda pa



lidernan na U.S Olympic and Paralympic Committee y su organisacionnan di deporte afilia, Colon a bisa cu e centro a contrata un partido individual pa evalua e casonan cu Krasley a trata. “Mientras cu nos no tin ningun motibo pa kere cu el a comete algun eror mientras e tabata traha na e Centro, e audit por resulta den e re-apertura di algun caso na e centro,” Colon a splica.

E declaracion ta similar na loke un empleado di SafeSport a skirbi den email di un persona cu a bisa cu su caso a keda trata pa Krasley y a pidi pa esaki bolbe habri.

“Pa motibo cu nos tin asina hopi reviso den nos proceso

di investigacion, nos no ta anticipa cu lo tin e necesidad di bolbe habri hopi caso, si acaso mester habri algun,” e empleado a skirbi den e email mira pa AP.

E centro aki a establece den 2017 pa investiga y duna sancionnan den casonan di abuso sexual involucrando deportenan Olimpico despues cu e scandalnan di Larry Nassar y otronan a pinta USOPC y su organisacionnan di deporte como no apto pa adecuadamente trata e casonan aki.

Fin di aña pasa, e centro tabatin 36 persona den su ekipo di investigacion. Na fin di aña 2023, e centro tabatin 2,040 persona den su base di dato disciplinario cu sea a keda re-

stringi of prohibi for di participacion den deporte.

Colon a bisa den su email cu e centro a despedi Krasley pronto despues di a haya sa cu el a keda deteni pa aparentemente horta 5,500 dollar di un confiscacion di droga cu el a yuda conduci mientras e tabata forma parti di ekipo di departamento di polis na Allentown, Pennsylvania.

Alrededor di 6 siman despues di e detencion aki Krasley su detencion pa violacion, servicio sexual involuntario y otro cargonan relaciona a sucede. “E cargonan aki ta hopi mas serio cu e otr, y repugnante si berdad, y ciertamente ta pone e Centro back den bista di tur hende pa tur e motibonan incorrecto,” Colon a skirbi.

Krasley a keda lega den libertad bao fianza di 750,000 dollar despues di e detencion.

E affidavit di e caso a keda revela y segun lehighcountylive.com, otro oficial deteni den e caso, Evan Weaver, a bisa e victima cu e por evita prizon pa medio di haci un acto sexual cu su persona despues di a detene pa un cargo relaciona cu droga den 2011.

4 naa despues, segun e affidavit, Krasley a contacta e victima como parti di un oferta di prostitucion y ora e victima a puntra si e ta bay prizon, aparentemente el a contesta: “Dicon lo mi manda’bo prizon? Bo sa kico bo tin cu haci,” prome cu el a abusa sexualmente di e victima.

Krasley su abogado, James Burke, e a conta AP cu su cliente ta nenga e acusacionnan y a yama “strano” cu e detencionnan aki a sucede casi 1 decada despues cu e investigacion tocante e sucedido a completa. Burke a bisa cu Krasley ta un miembro decora di forsa policial prome cu el a sali di esakiden 2021, cual poco despues el a cuminsa traha na SafeSport Center.

Ningun di e acusacionnan aki a surgi ora cu SafeSport a haci su screening. Den e email, Colon a bisa cu e centro ta “evaluando su proceso di screening y practicanan di contrato.”

“E situacion aki ta uno cu nos no a spera pa e Centro,” Colon a declara. “Pa e motibo aki, nos lo sigui implementa y revisa nos plan di respuesta manera ta necesario.”

Coco Gauff ta avansa pa tercer ronda di Australia Open y ta sigui sin derota den 2025



(AP) - Coco Gauff a amplia su comienso victorioso pa 2025 cu 7 wega y 14 set caminda pa tercer ronda di Australian Open cu un victoria di 6-3, 705 contra Jodie Burrage di Britania na Rod Laver Arena diaranson.


Gauff, e campeon di U.S Open di 2023 y un semifi-

nalista di Melbourne Park un ana atras, a pasa momentonan dificil den e di dos set, luchando cu ‘double-fault.’ Sin embargo ora cu Burrage a cuminsa e di dos set, Gauff a drenta back den control, usando un ‘four-game’ di su mes pa caba e wega.

“E tabata dificil. E tabata serve hopi bon pues mi tabata djs

purba di maneha esey honestamente,” Gauff a bisa. “El a mehora su nivel den mita di e di dos set, pues mi tabata purbando di hunga den ofensiva ora cu mi tabata por.”

Gauff a logra 6 di su 7 ‘double-fault’ den e di dos set, pero tabata hopi mas constante en general, cabando e wega di 1 ora y mey cu 11



‘groundstroke unforced error’, compara cu 37 di Burrage. Cada un di Burrage su dos weganan final a caba cu un ‘double-fault’; tabatin dos tras di otro cu a haci e wega un 6-5. For di aki, Gauff a caba cu e trabao mientras e ta sigui purba mehora su serve y forehand, dos tecnica riba cual e tin desde ultimo temporada ta enfoca. “E tabata regresando tur cos

bon, pues el a pone presion riba mi y mi serve,” Gauff a bisa. “Si mi tabata keda cortico den cualkier cos, e tabata logra un victoria.”

Agrega 4 victoria den ruta pa un titulo na WTA su final den november - incluyendo victorianan straight contra No.1 Aryna Sabalenka y No.2 Iga Swiatek - y Gauff su record di victoria awo ta na 11 wega.

Atraco cu maltrato severo na Zeewijk e victima a core bay te warda di polis!

Dialuna anochi un persona a presenta na warda di polis San Nicolas. E la declara cu un rato prome el a ser maltrata y horta.

Lo ta trata di 3 hende homber desconoci y e incidente lo mester a pasa na altura di Zeewijk. E sospechosonan e no por a wak nan cara. Nan lo a bay cu 2 celular y cu mas o menos AFl 800,-. E sospechosonan lo a huy den un auto color blanco. Departamento di TBP a presenta como tambe polis tecnico y




slachtofferhulp.

E victima a wordo trata door

di personal di ambulance na warda di polis mes. Polis tin e caso bao investigacion.



Chauffeur a slip bay stret dal riba un palo di lus kedando seriamente herida



Diamars madruga a drenta informe di un accidente na Dakota, mesora a dirigi

un patruya na e sitio.

Na yegada di e patruya a bin

compronde cu aki ta trata di un accidente unda e chauffeur di un Kia Sportage no a

regula su velocidad ni a mantene distancia a bay dal tras di un Kia Rio.

Afortunadamente ningun hende a resulta herida.



Durante rij-examen un chauffeur no a regula su velocidad ni mantene distancia a bay dal tras di auto na Paradera

Dialuna mainta a drenta informe di un accidente na Paradera, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un chauffeur cu mester pasa su rij-examen no a regula su velocidad ni a mantene distancia a bay dal tras di e auto su dilanti. Afortunadamente ningun hende a resulta herida.



Turista a bolter cu quad racer patras di Kapel di Alto Vista y aparentemente a kibra su pia

Dialuna merdia a drenta informe di un accidente cu hende herida panort di Kapel Alto Vista, mesora a dirigi tanto polis como ambulans na e sitio.

Na yegada di e patruya a bin compronde cu un dama turista durante un tour cu quad racer el a dal na un piedra bolter

cu e quad racer mescos cu un kopro ora el a cay e lo a kibra su pia. Na yegada di ambulans e tabata keha di hopi dolor ora a spalk e.


Ambulans a caba di atende den e ambulans nan a transporte pa hospital pa atencion medico mas avansa.



Camara di seguridad a capta accidente den parkinglot di Aruba Vision Center diasabra anochi

Dialuna mainta un persona a bin wak si e camara di seguridad por a capta e auto cu a dal un Hyundai Accent cu tabata para den parkinglot di Aruba Vision Center pa asina e claim su seguro.

Pues a bin resulta cu si y a pasa esaki na polis y seguro. Awor polis lo presenta na su cas of trabao pa atende cun'e e accidente aki.



Chauffeur cu a bay busca su tata a bay dal tras di un auto na Pos Abao




Dialuna madruga a drenta informe di un accidente na Pos Abao, mesora a dirigi un patruya na e sitio.

Na yegada di e patruya a bin compronde cu aki ta trata di un Kia Sportage cu a bay pasa un otro auto na Pos Abao pero net el a calcula malo y a bay dal tras di un Hyundai Elantra. Afortunadamenten ningun hende a resulta herida.

Chauffeur no a regula su velocidad ni mantene distancia a bay dal tras di auto na E.J. "Watty" Vos Blvd

Dialuna mainta a drenta informe di un accidente na E.J. "Watty" Vos Blvd., mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un Ford Explorer no a regula su velocidad ni a mantene distancia a bay dal tras di un Hyundai Tucson. Afortunadamente ningun hende a resulta herida.





Chauffeur no a regula su velocidad ni mantene distancia a bay dal tras di auto na Pavia



Dialuna mainta a drenta informe di un accidente na Pavia, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un Pick-Up Suzuki D-Max no a regula su velocidad ni a mantene distancia a bay dal tras di un Suzuki Swift. Afortunadamente ningun hende a resulta herida.

Chauffeur di edad a baha caminda y dal riba un palo di lus na J.G. Emanstraat




Diadomingo anochi a drenta informe di un accidente cu hende herida na J.G. Emanstraat, mesora a dirigi tanto polis como ambulans na e sitio.

Na yegada di e patruya a bin compronde cu e chauffeur a baha caminda y a bay dal stret riba e palo di lus. Na yegada di e ambulans nan a atende e chauffeur kende tabata tin un kap chikito na su frente y a ser atendi na e sitio mes.

Polis a test e chauffeur pero el a supla net riba e liña y a duna e chauffeur un boet pa un di su papelnan no ta na ordo.

Persona indesea a presenta na Kas Ariba pa menasa un otro persona



Diadomingo anochi a drenta informe di un caso di menasa na Kas Ariba, mesora a dirigi un patruya na e sitio.

Na yegada di e patruya a bin

compronde cu e sospechoso a caba di bandona e sitio. Polis a compronde cu aki lo trata di e ex di un dama, Polis a bis'e cu e lo por pasa na recherche entrega keho di menasa.

Turista herida na su cara; no ta conoci con ela ser herida



Diadomingo anochi a drenta informe di un caso unda un dama

su cara ta full herida. No ta conoci si ta cay el a cay of nan a dal e pero e ta bata herida te cu polis y ambulans a presenta pa e dama pa check un ke otro.

Pick-up ta lora pa bay na snacktruck e auto su tras no a ripara y a bay dal su tras



Diadomingo anochi a drenta informe di un accidente banda di Wema na

Ponton, mesora a dirigi un patruya na e sitio.

Na yegada di e patruya a bin compronde cu un pick-up a bay lora pa bay na un snack-

truck pero e chauffeur su tras no a ripa y a bay dal tras di e pick-up. E pick-up mes casi

no a ricibi daño pero e auto su tras si.

A cuminsa cu un grupo nobo pa adulto mayor na Fundacion Centro Famia Piedra Plat

Diahuebs 9 di januari a cuminsa un grupo nobo pa adulto mayor na Fundacion Centro Famia Piedra Plat. Riba iniciativa propio a lanta un comision di 5 persona pa inicia cu un grupo pa 60+

E Comision ta consisti di e siguiente personanan: Adrian Berg, Lilia Bisslik, Fari-tah Luidens, Chantal Ecury y Yolanda Wolter como consehero.

E tawata un mainta hopi ameno y bunita unda tabatin 32 Adulto mayor presente cu a bin registra y alabes scucha un dushi Dande.

E programa ta bay ta 2 biaha



pa siman tur diamars y diahuebs di 9:30 pa 11:00 AM. Y lo bay consisti di fisioterapia, baile terapia y tambe diferente programa educativo etc. Comision a keda hopi contento cu e acogida cu

tawatin. Pa mas informacion por tuma contacto via Whatsapp Cell: 699-5545, Tel: 583-4631 of por pasa personalmente. Email: centrofamiapp@gmail.com

Quota ta aceptando peticion pa donacion



Quota International of Aruba ta un service club cu ta consisti di damanan profesional cu desde 1987 ta uni pa duna bek na comunidad. Tur aña na november Quota ta organisa su evento di recauda fondo mas grandi. Na 2024 Quota a organisa e Color Block party, un evento exitoso completamente sold-out!

yuda mucha, hende muher y esnan cu problema auditivo y habla por entrega nan peticion pa un donacion. Nos ta pidi pa entrega esaki prome cu dia 1 di Maart venidero hunto cu e siguiente documentonan:

1. E estado financiero mas recien
 2. Extracto di Camara di Comercio
 3. Plan di e proyecto pa cual ta haci peticion pa donacion
- E peticion por wordo manda pa qia.secretary@gmail.com Potret di Quota International of Aruba riba Facebook.

Awor, tur e fondonan recauda di e evento aki lo wordo reparti y duna bek na comunidad. Organizacion y fundacion di cual e meta tapa empodera y

Resultado Sorteo <i>Januari 15</i>	
--	--

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
4453	9372	0198	9977
1773	5541	SUPER5	7388
0605	1138	-	5815

MERDIA	ANOCHI
<p>Sorteo # 4508</p> <p style="text-align: center;">0657</p> <p style="text-align: center;">3629</p> <p style="text-align: center;">8275</p> <p style="text-align: center;">FP</p> <p style="text-align: center;">BIG 4</p> <p>Sorteo # 4508</p> <p style="text-align: center;">0338</p> <p style="text-align: center;">X2</p> <p>Sorteo # 2564</p> <p style="text-align: center;">5989</p> <p>Sorteo # 4508</p> <p style="text-align: center;">9985</p> <p style="text-align: center;">Sagitario</p> <p>Sorteo # 1382</p> <p style="text-align: center;">624</p> <p style="text-align: center;">FP</p>	<p>Sorteo # 8449</p> <p style="text-align: center;">3669</p> <p style="text-align: center;">5778</p> <p style="text-align: center;">5208</p> <p style="text-align: center;">x2</p> <p>Sorteo # 7493</p> <p style="text-align: center;">9744</p> <p style="text-align: center;">fp</p> <p>Sorteo # 2198</p> <p style="text-align: center;">6844</p> <p>Sorteo # 6252</p> <p style="text-align: center;">7129</p> <p style="text-align: center;">Geminis</p> <p>Sorteo # 1182</p> <p style="text-align: center;">024</p> <p style="text-align: center;">x2</p>
<p>Sorteo # 2560</p> <p>0 x Jackpot</p> <p>0 x Match 4+</p> <p>2 x Match 4</p> <p>208 x Afl. 12,00</p>	<p style="text-align: center;">02-08-13-17-19</p> <p>Joker 1 Letter J</p> <p style="text-align: center;">Proximo Jackpot</p> <p style="text-align: center;">225.000,-</p>
<p>Sorteo # 6714</p> <p>0 x Jackpot</p> <p>4 x Match 4</p> <p>158 x Afl. 8,00</p>	<p style="text-align: center;">01-02-12-18-19</p> <p style="text-align: center;">Proximo Jackpot</p> <p style="text-align: center;">82.000,-</p>
<p>Sorteo # 1732</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl. 50,00</p> <p>0 x Afl. 15,00</p>	<p style="text-align: center;">Mega Ball</p> <p style="text-align: center;">Proximo Jackpot</p> <p style="text-align: center;">600.000,-</p> <p style="text-align: center;">Afl. 900.000,-</p>
<p>Sorteo #</p>	

SVb ta agrega servicio di print documentonan pa su pensionado

Recientemente SVb a introduci un kiosco digital den su oficina na Vondellaan unda pensionadonan di AOV/AWW por print nan documentonan.

E kiosco digital aki ta na disponibilidad di esnan cu ta cobra pensioen di AOV/AWW for di 7.30 am te cu 4or pm. Pensionadonan of nan representante por pasa na e kiosco pa haci uzo di e servicio aki hincando nan number di AOV of AWW y nan fecha di nacemento.

Por print e declaracion di entrada anual bayendo atras te cu ultimo 8 aña y tambe por print e declaracion di entrada. Si ta necesario por haya asistencia di e personal di seguridad. SVb ta brinda servicio di wi-fi na su cliente si mester di internet.

Den caso cu cliente no ta corda su number di AOV/AWW e lo por manda un Whatsapp pa departamento di Pensioen na 5272760 solicitando esaki hunto cu un potret di su I.D. valido.

Rapidamente e departamento lo suministra e number di AOV/AWW. Pa luna di maart ta premira cu lo pone den servicio un kiosco mas na nos sucursal na San Nicolas.

E kiosco ta situa den entrada di nos oficina di Werknemersverzekering na Vondellaan.



dellaan. SVb su empleado di seguridad lo indica e entrada. Con pa uza e servicio di e Kiosk?

1. Primi riba bo idioma preferi
2. Primi bo number di SVb y yena bo fecha di nacemento y continua.
3. Scoge y primi riba e documento cu ta desea.
4. Primi print y saca e documento for di e printer
5. Indica cu a caba di print primiendo e boton berde riba pantaya

Pa mas informacion por tuma contacto cu Departamento di Pensioen di SVb na pensioen@svbaruba.org of via di Whatsapp texto unicamente 5272760.



Dokter na warda

Oranjestad San Nicolas Hospital Imsan
7:00 pm / 10:00 pm **24 ora**

Botica na warda

Oranjestad: Eagle: Tel. 587 9011 **San Nicolas: Centro Medico: Tel. 584 5794**
EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

FADA

Campanastraat 5 Aruba
297-583-2999
297-583-9610

FAVI

Primavera 233 Aruba
297-582-5051
297-582-5222

FEPO

Engelandstraat 15 Aruba
297-583-1016
297-583-6607

Fundacion Contra Violencia Relacional
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

YMCA

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

Ex empleado di centro di detencion pa hobennan ta cuminsa huicio na New Hampshire

(AP) - E prome di varios huicio di agresion sexual ta cuminsa diaranson pa un homber ken su detencion mas di 5 aña atras a causa acusacion di abuso amplio na New Hampshire su centro di detencion estatal pa hobennan.

Ex consehero di hobennan Stephen Murphy di 55 aña, ta enfrentando 16 cargo cu ta trata 4 mucha homber deteni na Youth Development Center na Manchester den fin di 1990. Den e caso actual, e ta enfrenta un cargo di agresion sexual grave acusando cu el a viola un mucha homber riba trapi mientras otro empleadonan tabata wanta e hoben.

Murphy su acusador, Michael Gilpatrick, ya caba a testigua 2 biaha tocante e acusacionnan - prome na un huicio civil involucrando un otro residente di e centro pa hobennan y un biaha mas na un huicio criminal contra Brad Asbury, e homber cu e ta bisa a want'e. El a describi Murphy, Asbury y e otroonan como un "gang" cu regularmente tabata terrorisa e muchanan.

"E 4 di nan semper tabata cana hunto," el a testigua. "Nan tabata literamente cana hunto y bay porta pa porta y dal cada un di nos den e rij."

Asbury, di 70 aña, a ricibi su condena den november pa dos cargo di ta complice di agresion sexual grave y fiscalnan a pone su persona como un posibel testigo contra Murphy, ken a declara su mes inocente.

Murphy y otro ex empleado a keda deteni den juli 2019 y acusa cu agresion sexual di David Meehan, ken despues a bira e prome di mas di 1,100



ex residente cu a demanda e estado di abuso fisico, emocional y sexual durante 6 decada.

Murphy su abogado, Charles Keefe, no a debolbe un yamada diamars, pero un ex abogado a bisa cu el a nenga tur acusacion tocante Meehan y "cualquier acusacion similar sin importa ken ta acusando y unda e supuesto incidente a sucede."

Di acuerdo cu Murphy su detencion, e procurador general su oficina a lansa un investigacion amplio contra e facilidad, awo yama Sununu Youth Services Center. Un total di 11 hende homber a keda deteni, aunke cargonan contra un di nan a keda retira a causa di un falta di evidencia, otro a ser haya incompetente pa para den huicio y un di 3 a fayece wardando su huicio. Murphy ta e di 4 cu ta bay huicio.

Pronostico di tempo

Tempo:

Awe tardi y awe nochi: levemente te parcialmente nubia y generalmente seco
Den marduga y mañan: parcialmente te temporalmente hopi nubia cu un awasero breve



Temperatura maximo 31 grado celsius
Temperatura minimo 24 grado celsius
Indice di calor (heat index) den y rond di oranan di merdia: 32 pa 36 grado celsius
Uv index: 8

Bahada di solo : 6:33 pm
Subida di solo : 7:05 am

Biento:

Moderata for di direccion oost te oost- noordoost; forsa 3 te 4 (12 te 30 km/ora, 7 te 16 nudo)
Durante di dia basta fuerte den rafaga; forsa 5 (31 te 39 km/ora, 17 te 21 nudo)

Situacion general di tempo: Durante e periodo di

pronostico aki humedad lo wordo trece pa region local cu e corriente di aire. Pa e motibo aki por spera un awasero breve riba partinan di e isla.

Condicionan maritimo/ estado di lama:

Na partinan protege di costa: keto, rond di 1 pia.
Na partinan zuid: trankil 1 pa 3 pia.
Na partinan oost te noordwest di costa: generalmente modera cu olanan alrededor di 4 pa 5 pia, localmente 6 te

TA BUSCA
A+ Construction & Painting Services
ta busca "Schilder"
Por yama na Tel.699 6064 218855

TA BUSCA
MR SNO-CONES ta busca "Schaafij's Bediende"
Por yama na Tel.567 7007 218852

Aurora
Royal Pray
Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Cu inmenso dolor na nos curason, nos ta anuncia fayecimento di nos tata, welo, ruman y omo stima



Walter Raymond Escalona
Mihor conoci como: "Watty"
*09-08-1940 - †11-01-2025

Na number di su:
Señora: †Selvia Escalona-Giron

Yiunan:
Anna Dirksz-Escalona y famia
†Yolanda "Yoli" Escalona y famia
Raymond "Monchi" Escalona y Jacky Ruiz y famia
†Sharine Escalona y famia

Manera yiu:
Zoila Giron y famia
Manuel Rodriguez y señora

Nieto(a)nan:
Ryan Martha, señora y yiunan, Sharlene de Camps-Tromp y casa y famia, Alexander Werleman, señora y famia, Lionel Tromp y famia, †Jennifer Werleman y famia, Kenrick Dirksz y famia, Dario Sierra y famia, Dairon Sierra y famia, Nathaly Dirksz, Andrew Dirksz y famia

Rumannan:
Boy y †Riet Escalona-Meyering y famia
†Fefa y Chepito Croes-Escalona y famia
Judith y Fenchi Rincones-Escalona y famia
Erick y Francis Escalona- van Klaveren y famia
†Jeanette "Jenny" Escalona y famia
†Ebby Escalona y famia

Swa y cuñanan:
†Margarita Giron y Roberto Orman
Irena y †Maximo Werleman y famia
†Jose y Mary Giron-v/der Biezen y famia
Juan y Madeline Giron-Kelkboom y famia
†Angel y Inez Giron-Molina y famia
Pilar y Nicolaas "Nick" Rasmijn y famia

Bisnietonan, sobrino y sobrinanan y nan famia, primo y primanan y famia, Ihanan, comper y comer

Demas famia:
Escalona, Hollmond, van Klaveren, Rincones, Croes, Raven, Toppenberg, Spencer, Cardoze, Ortez, Petronia, Donata, Giron, Sierra, Frans, Refunjol, Dirksz, Werleman, Ruiz, Tromp, Martha, De Camps, Jansen, Croes, Martes, Velez, Rodriguez, Lake, Orman, Kelkboom, Rasmijn, v/der Biezen, Violenus, Vos, Cambero, Gomez, Velasquez, Arias, Ras

Demas famia, bisiaña y conocirnan ta wordo invita pa acto di despedida cu lo tuma lugar diasabra 18 di januari 2025 di 2:00 pa 4:00 pm na Aurora Funeral Home. Cremacion lo tuma lugar den seno di famia.

Despensa nos si den nos tristeza nos por a lubida algun famia.

Aurora
Royal Pray
Funeral Home & Crematory

Mi Dios, Mi Señor, Mi Salvador Cu Bo amor infinito tenemi den Bo braza Ya no tin scuridad Unicamente Bo Luz briyando

Cu dolor na nos curason, pero conforme cu boluntad di Señor, nos ta participa fayecimento di nos ser stima:



Sra. Vda. Veronica Cornelia Geerman-Dabian
Cariñosamente yama "Rhona"
*18-04-1948 - †14-01-2025

Acto di despedida lo wordo anuncia despues

Aurora
Royal Pray
Funeral Home & Crematory

"Señor ta mi wardador, mi'n tin falta di nada Den cunucu di yerba berde e ta ponemi sosega. E ta hibami na awa tranquil, Pa mi bolbe haña forsa".
Salmo: 23

Nos ta anuncia fayecimento di:



Roland Raymond Tromp
Mihor conoci como: "Roly"
*04-10-1954 - †14-01-2015

Acto di entierro lo wordo anuncia despues.

Aurora
Royal Pray
Funeral Home & Crematory

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Cu dolor na nos curason, nos ta participa fayecimento inesperadamente di:



John Steve van der Linden
*20-03-1968 - †02-01-2025

Acto di entierro lo wordo anuncia despues



CONDOLENCIA



Staff y Personal di Alhambra Casino (Divisino N.V.) ta participa fayecimento di:

Erwin Anthony Goijla

Casa di nos empleado / colega, Jacqueline Goijla

Nos mas sincero condolencia na su casa, rumannan, yiu nan, nietonan y demas famia. Hopi forsa den es momento nan dificil aki.

Cu "Erwin" mihor conoci como "Wito" sosega na Paz

Alhambra
CASINO AND SHOPS

Aurora

Royal Pray

Funeral Home & Crematory

Lagrima y flornan por seca, su recuerdonan y tur loke el a haci y significa pa nos, lo keda graba pa semper den nos mente y curason.
 "Cerca Dios mi alma ta na paz, ta di DJ'E mi salvacion ta bin" Salmo 62:1

Cu dolor na nos curason, pero conforme cu boluntad di Señor, nos ta participa fayecimento di nos mama, wela, bisawela y tatarawela stima:



Sra. vda. Johanna Wolff-Giel

Cariñosamente yama "Machina"
 *16-05-1933 - †11-01-2025

Na number di su:

Esposo: †Sr. Joseph "Cheppi" Wolff

Yiunan:

Benny "Mito" Wolff y Pina Wolff-Werleman
 Ruben Wolff y Bertha Wolff-Croes
 Mirna Kelly-Wolff y Jerry Kelly
 Lidia Wolff
 Beatriz Tromp-Wolff y Pedro Tromp
 Lourdes Wolff

Nieto y nietanan:

Jenny Wolff
 Giannine Wolff y Américo Tepedino-Thijzen
 Rudberth Wolff
 Airisse Wolff y Gary Croes
 Jermira Danje-Kelly y Raymond Danje
 Jerald Kelly
 Zinhy Vrolijk y Johan Geerman
 Irving Tromp
 Bryan Tromp
 Leonel Semerel y Daphny Semerel-Danjo
 Reggie Semerel

Bisanieto y bisanietanan:

Xylaine Semerel y Justin Lampe, Zyenna Semerel y Brandon Croes, Zyllih Semerel y Luis Rasmijn, Leom Semerel, Alys Wolff, Tristian Danje, Xiara Danje, Zyzhia Danje, Arya Kelly, Kyan Kelly, Levi Boekhoudt, Aiza Geerman, Liam Tepedino-Wolff

Tataranieta: Zaileah Croes

Rumannan:

†Betty Engels-Giel y Hans Engels
 †Domingo Giel y †Fan Giel-Tromp

Primo y primanan, ihanan, comer y compernan, tur su bon bisañanan y demas famia y conocirnan. Su amistadnan di grupo Bini Bini y e team di Amilia Care Services.

Tur cu a stim'e y demas famia: Giel, Wolff, Semerel, Kelly, Tromp, Vrolijk, Croes, Werleman, Danjo, Danje, Tepedino-Thijzen, Boekhoudt, Jansen, Geerman, Engels, Rasmijn, Lampe.

Ta invita tur famia, bisaña, amistadnan y conocirnan pa e acto di despedida cu lo tuma lugar dialuna 20 di januari 2025 di 2or pa 4or di atardi na Misa Santa Anna na Noord.

Respons lo cuminsa pa 4or di atardi y despues lo sali cu e defunto stima pa Santana Catolico na Noord.

Nos disculpa si den nos tristesa nos por a lubida algun famia of conocir.


Aurora

Royal Pray

Funeral Home & Crematory

Revelacion 21:4

"Y lo e seca tur lagrima for di nan wowo, y lo no tin morto mas; ni tristesa ni sclamacion ni dolor lo tin mas. E cosnan cu tabata pasa antes no t'ei mas."



Joseph Leonard Martis

Mihor conose como: "Tadi"
 *29-10-1949 - †12-01-2025

Na number di su:

Querida esposa: Jeanne E. Martis-de Koning

Yiunan stima:

Jason J. Martis
 Jamil S. Martis & Jesiree Martis
 Josanne J.A. Martis

Mayornan:

Pedro Martis
 Elba D. Kock-Lacera y Antolin Kock

Rumannan:

Humphrey Martis
 Pedro y Tineke Martis
 Roberto y Edith Martis
 Luis y Filomena Martis
 Guisela y Robert Drumbic
 Jorge y Maria Martis
 Sunil Martis
 Damaris Martis

Tanta: Esther Vargas y famia

Sobrino y Sobrinanan: Doyenne y Jeuel Martis y famia, Jharonne y Abner Martis y famia, Monique Martis, Gerald Irausquin y Kimberly Nazarkewich-Irausquin y famia, Saul, George Luis, Lisa Martis y famia, Dalexys Vrolijk, Gismaris Dirksz y famia y Gerielle Dirksz, Meghan de Koning y famia, Mendelize y Myron de Koning, Mauro de Koning y famia y Marco de Koning, Naomi y Ayrton Dol

Suegra: Michel y Madge Wong Swie San

Sua y Cuñanan:

Harold de Koning
 Armand y Yethsy de Koning
 Patty Wong Swie San y Johan Dol

Primo y primanan, besañanan y demas amistadnan

Mescos cu Yiu: Stephanie Rasmijn

Demas famia: Martis, de Koning, Lacera, Kock, Bruges, Chua, Tjon-A-Sam, Wong Swie San, Dol, Drumbic, Rosa, Franca, Henriquez, Croes.

Tambe di parti di tur rumannan di Testigo di Jehova Y tambe su ex coleganan di Setar

Su pret'i wowo: Nina

Si den nos tristesa nos por a lubida un of otro familiar, nos ta pidi nos mas sincero disculpa.

Despues di acto di entierro, famia no lo ricibi bishita na cas

Ta invita pa **acto di despedida** cual lo tuma lugar na **Auroral Funeral Home** Diahuebs **16 di Januari 2025** di **2or pa 4or** di atardi.

Acto di cremacion lo tuma lugar den ceno familiar

Aurora

Royal Pray

Funeral Home & Crematory

Ki alegria, ora nan a bisa mi:

"Ban cas di Señor!"
 I awor, ata mi aki para na bo porta Señor.
 Salmo 122



Cu dolor na nos curason, nos ta participa fayecimento di nos ser stima:

Jozef Hermando Koolman

Cariñosamente yama "Tio Oso of Jozi"
 *19-01-1959 - †11-01-2025

Na number di su:

Mayornan:

†Leonardo Koolman
 †Roberta Malitha Koolman
 Manera yiu: Albert Arends

Rumannan:

†Huberta "Betty" Nissa y famia
 Louis y Sharon Koolman y famia
 †Almira Lorenia Koolman y famia
 †Richardina Koolman y famia
 †Mario y Eugenia Koolman y famia
 Maria y Remy Kelly y famia
 Gerad y Silvia Koolman y famia
 Roland Koolman
 †Carlos Koolman
 Vda. Swinda Tromp-Koolman y famia
 Antonieta y Donny Boekhoudt y famia
 George y Tessy Koolman y famia
 †Evelina Koolman y famia

Tur su sobrino y sobrina nan

Tur su primo y prima nan

Demas famia: Koolman, Chirino, Nissa, Maduro, Mateo, Werleman, Hipolite, Arends, Thiel, Kelly, Franken, Yanez, Albus, Boekhoudt, Tromp, Apostel

Acto di despedida lo tuma lugar na Misa Birgen di Fatima na Dakota diabierna **17 di januari 2025** di **2or pa 4or di atardi**. **Cremacion** lo tuma lugar despues.

Disculpa nos si den nos tristesa nos por a lubida algun famia of conocir.

Aurora

Royal Pray

Funeral Home & Crematory

"Señor ta mi wardador, mi'n tin falta di nada
 Den cunucu di yerba berde e ta ponemi sosega.
 E ta hibami na awa trankil,
 Pa mi bolbe haña forsa".
 Salmo: 23

Nos ta anuncia fayecimento di:



Edsel Teodulo Antonia

*04-04-1954 - †10-01-2025

Acto di entierro lo wordo anuncia despues.

Autoridadnan Sur Coreano ta hiba presidente impeached pa centro di detencion despues di cuestionamento



(AP)—E presidente impeached di Sur Korean, Yoon Suk-yeol, a ser manda na un centro di detencion cerca di Seoul ayera anochi, despues di ser cuestiona pa oficialnan anti-corupcion cu a tum'e den custodia pa via di su imposicion di ley marcial luna pasa.

Yoon a ser deteni den un operacion policial na e compound presidencial na comienso di dia. Yoon a insisti cu e agencia di anti-corupcion di e pais, cual a lidera e incursion cu polis, no tabatin autoridad pa investiga su accionnan, pero a bisa cu el a cumpli cu nan pa asina preveni violencia. Yoon, e prome presidente den oficina pa ser acusa, awor ta enfrente a prospecto di un termino largo den prison pa via di posible cargonan di re-

belion. Den un video graba net prome cu el a ser hiba na e oficina di e agencia di anti-corupcion, Yoon a lamenta cu e “regla di ley a collapse completamente den e pais aki.”

Yoon a ser deteni den e residente Hannam-dong den e capital, Seoul, pa algun siman mientras el a priminti pa “bringa te na fin” e esfuersonan pa kit'e for di poder. El a hustifica su declaracion di ley marcial dia 2 di december como un acto legitimo di gobernacion contra un oposicion “anti-estado” empleando su mayoria legislativo pa stroba su agenda.

E Oficina di Investigacion riba Corupcion pa Oficialnan Halto a bisa cu Yoon a ser treci den custodia aproximadamente cinco ora despues cu investigadornan a yega na e compound presidencial y aproximadamente tres ora despues cu nan drenta exitosamente den e residencia, den nan segundo intento pa detene tocante su imposicion di ley marcial. Centenares di simpatisante di Yoon a protesta cerca di e oficina di e agencia mientras e tabata den cuestionamento, gritando y wantando posternan cu ta bisa: “Nos lo bringa hunto cu presidente Yoon



Suk Yeol.”

Despues di e cuestionamento di mas cu 10 ora, un vehiculo cu Yoon aden a yega na un centro di detencion na Uiwang, cerca di Seoul, hiba pa polis y vehiculonan di seguridad presidencial. Yoon por keda deteni pa varios siman, posiblemente pa lunas.

E agencia anti-corupcion, cual ta liderando un investigacion conhunto cu polis y

e ehercito pa confirma di e declaracion di ley marcial ta conta pa un intento pa rebelion, tin 48 ora pa pidi un orden di corte pa su detencion formal.

Si no logra haci esaki, Yoon por ser libera. Si Yoon ser formalmente deteni, investigadornan por extende su detencion pa 20 dia prome cu transferi e caso pa fiscalnan publico pa un acusacion formal. Si fiscalnan acusa

Yoon riba cargonan di rebelion y abuso di poder, cual ta acusaiconnan examina pa e investigadornan, e por keda den detencion te ora e haya un prome huicio di corte, cual tipicamente ta dura seis luna, segun Park Sung-bae, un abogado specialisando den ley criminal.

Bao ley Sur Coreano, e lider di un rebelion por enfrente a castigo di morto of bida den prison, si e ser condena.

Hefe di derecho humano ta haci yamado pa relaha sancionnan Occidental riba Siria mientras e pais ta den reconstruccion

(AP)—E hefe di derecho humano di e Organizacion di Nacionnan Uni a haci yamado ayera pa relaha e sancionnan Occidental imponi riba Siria durante su guerra civil, awor cu ex-lider Bashar Assad a ser kita for di poder y manda den exilio.

Mientras su bishita na Siria, Volker Türk tambe a urgi pa husticia transicional pa victimanan, bisando cu esaki ta aumenta confiansa publico den institucionnan estatal mientras e pais ta sigui dilanti bao di su lidernan de facto nobo. “Vengansa y represalia nunca ta e contesta, Türk a bisa, un luna despues cu e dinastia di e famia Assad a caba ora gruponan insurgente a captura Damascus.

Türk a bisa cu el a reuni cu Ahmad al-Sharaa, ken ta lidera Hayat Tahrir al-Sham,



e grupo liderando e autoridad nobo den Siria. El a bisa cu al-Sharaa a garantisa e importancia di respecta derechonan humano pa tur Sirio, y autoridadnan lo traha riba cohesion social y reforma institucional.

E conflicto di Siria a plama na comienso di 2011 y a laga casi mita miyon hende morto y miyones mas desplasa, hopi di nan cu awor ta refugiado den otro pais. E guerra a causa destruccion cu lo mester di dies biyones di dollar pa re-

construi.

“E pueblo di Siria mester tur ayudo cu nan por haya pa reconstrui un pais cu ta traha pa tur Sirio,” Türk a bisa. El a agrega cu ainda tin menasa existente na e integridad territorial, independencia y soberania di Siria cual mester ser respecta completamente. “E conflicto- y hostilidadnan andante mester caba,” el a bisa.

Paisnan Europeo y Merca a impone sancion riba e gobierno di Assad net despues cu e conflicto a cuminsa. Nan tabata dudoso tocante e raiznan Islamico di e ex-insurgentenan cu awor ta liderando e gobierno interino nobo. “E lo ta critico pa tene na cuenta e impacto cu sancionnan tin riba e bida di ciudadanonan Sirio,” Türk a bisa. “P'esey mi ta haciendo un yamado pa un reconsideracion urgente

di sancionnan sectoral cu un perspectiva pa relaha nan.”

Tambe ayera, un oficial di e ministerio di Asunto Interior na Siria a bisa cu autoridadnan a detene un militante Egipcio ken recientemente a publica videonan pa traha riba un derumbe di e gobierno na Egipto. Ahmad al-Mansour ta bibiendo na Siria pa varios aña y tabata entre e bringadornan cu a derumba e gobierno di Assad.

E oficial di e ministerio, ken a papia riba condicion di anonimidad pasobra e no tabata autorisa pa papia cu media, a bisa cu al-Mansour a ser deteni diamars anochi. E detencion di al-Mansour lo probablemente calma preocupacionnan den algun pais Arabica, incluyendo Egipto, cu Siria no lo ser usa como un base pa complotnan contra nacionnan regional.

Merca no por bira confortabel cu un menasa di terrorismo creciente, segun un oficial di Centro Contraterorismo

(AP) — Brett Holmgren a lanta riba aña nobo despues cu alerta a avisa cu un chauffeur a dal den un grupo di hende celebrando e aña nobo na New Orleans.

E atake, cual a resulta den 14 hende morto, tabata esun mas mortal riba territorio Mericano den hopi aña y tabata inspira pa e grupo Estado Islamico. Centro Nacional Contraterorismo (NCTC), cual Holmgren ta lidera, a hiba nan den accion pa yuda e FBI investiga e perpetrador for di Texas y su plan.

Esaki tabata un ehempel inusual recientemente di un atake masivo motiva pa extremismo religioso cu a afecta Merca. Pero esaki no ta un incidente isola, mirando cu e nacion ta mirando un periodo unda menasa di terrorismo, cu tabata subi y baha durante e dos decada despues di e atakenan di 11 di September 2001, a aumenta significativamente rond mundo.

“Nos ta den un periodo unda nos ta enfrentando un ambiente di menasa halto,” Holmgren a bisa den un entrevista cu Associated Press. “Nos a enfrente esaki aña pasa. Nos lo enfrent’e atrobe den 2025.”

E NCTC a ser establece despues di 9/11 como un centro pa e gobierno Mericano colecta y analisa data y inteligencia riba menasa di terrorismo internacional, duna informacion na e Cas Blanco y otro agencianan pa forma decisionnan di politica y proteha e nacion contra atakenan.

Un ex-analista di contrater-



orismo y asistent di secretario di estado, Holmgren a ser nombra director interino di NCTC juli aña pasa y ta programa pa transferi su posicion pa e administracion nobo di Donald Trump. Na e momento aki, e liderazgo nobo bou di presidente-electo Donald Trump lo mester mancha algun hotspot global manera Siria cu a frustra oficialnan recientemente y cu e NCTC ta rastrea.

Holmgren ta nombra varios factornan como motibo di e aumento den menasa, incluyendo e tensionnan cu ta surgi for di e guerra entre Israel y Hamas — un conflicto cu e ta bisa a trece mas o menos 45 atake rond mundo desde october 2023. Tambe e ta menciona migracion masivo debi na e guerra di Rusia y Ucrania cu a manda Centro Asiaticonan, algun cu lazonan cu e grupo Estado Islamico, pa paisnan manera Turkia, Siria, Iraki, y hasta Merca.

Rond mundo, oficialnan ta monitoreando tensionnan na Africa, un area cu Holmgren ta considera probablemente e menasa mas grandi pa seguridad di Merca den plazo largo debi cu e grupo Estado

Islamico tin un presencia grandi den e continente y ta inverti recursonan eynan.

E ta bisa cu “e menasa di mas potente den exterior cu Merca ta enfrentando” actual ta ser representa pa e afiliado di e grupo na Afghanistan, conoci como Estado Islamico-Khorasan. Nan atakenan ta inclui un masacre na un teatro na Moscu na maart 2024 y e bombardeo di augustus 2021 cu a mata 13 miembro di servicio Mericano y mas o menos 170 Afghano den e retiro caotico di Merca for di Afghanistan.

Un area di preocupacion continuo ta Siria, unda un grupo insurgente yama Hayat Tahrir al-Sham, of HTS, a lidera un ofensiva luna pasa cu a kita e gobierno di Presidente Bashar Assad.

HTS ta un grupo Sunni Islamico cu tabatin lazo anterior cu al-Qaida, aunke su lider a insisti riba coexistencia religioso desde cu el a tuma control di Damascus. E grupo no a crea complotnan contra e interesnan di Merca den hopi aña y ta ser considera como “e socio di contraterorismo mas efectivo riba tera,” segun

Holmgren.

HTS ta ser clasifica como un organizacion terrorista pa e Departamento di Estado Mericano, un label cu ta carga sancionnan severo. Ora cu a puntr’e si e designacion lo keda asina, Holmgren a bisa cu esaki ta un decision di politica, aunke el a nota: “Nan kier ser percibi como di ta na e banda drechi di e comunidad internacional ora ta traha di (contraterorismo). Pero nos lo sigui evalua no solamente nan palabranan, pero tambe nan accionnan.”

Den un indicacion di e instabilidad cu ta sigui den Siria, Secretario di Defensa Lloyd Austin a conta Associated Press siman pasa cu Merca mester mantene trupanen eynan pa preveni cu e grupo Estado Islamico forma atrobe, y oficialnan di inteligencia den e gobierno nobo de facto di Siria ya a logra evita un plan di Estado Islamico pa detona un bom na un santuario Shia den un bario na periferia di Damascus.

Mientras tanto, oficialnan di Merca ta keda preocupa pa e posibilidad cu e Estado Islamico por gana forsa despues di yega na arma laga for di gobierno di Assad of via un liberacion masivo di bringadornan cu ta den prison e momento aki.

“Un liberacion grandi di prisioneronan na Siria por duna un boost importante pa e Estado Islamico den un tempo unda nan ta enfrentando presion,” Holmgren a bisa.

E enfoke di e centro di contraterorismo ta riba terrorismo internacional, cu ta inclui ca-

sonan na Merca como e atake na New Orleans, unda e atacando tabata inspira pa un grupo for di exterior. E autor, Shamsud-Din Jabbar, di 42 aña, a declara su lealtad na Estado Islamico den un video cu el a graba poco prome cu el a core su pickup cu velocidad halto den un grupo di hende riba Bourbon Street dia 1 di januari.

Den e momentonan aki, Holmgren a bisa cu no tin evidencia cu Jabbar tabata den comunicacion cu algun operativo di Estado Islamico den exterior of cu algun hende a gui’e, pero debi cu e tabata un actor solo cu a ser radicalisa, “esaki ta simbolisa precisamente e tipo di atake di cual nos a taha pa basta tempo.”

“Y mi ta kere cu esaki ta ilustra cu, mientras nos a ta hopi efectivo como un gobierno y den varios administracion pa stroba complotnan for di exterior y persigui lidernan terrorista, nos tin hopi mas trabao pa haci ora ta trata di contra-extremismo violento na cas y contra-propaganda di extremismo violento den externo,” el a agrega.

“Esaki ta loke ta necesario pa preveni mas atakenan manera esun na New Orleans,” Holmgren a bisa.

Na mesun momento, via coleccion di inteligencia grandi, defensa fortifica, y operacionnan di contraterorismo den exterior, Merca a logra reduci e riesgo di un otro atake grandi manera esun di 11 di September. “Pero si nos bira confortabel como nacion,” el a alerta, “esaki lo bolbe pasa.”

Merca y Qatar ta confirma acuerdo di alto-el-fuego entre Hamas y Israel

(AP) — Un acuerdo di alto-el-fuego entre Israel y Hamas a ser confirma pa Merca y Qatar, poniendo un pausa na e guerra devastador na Gaza y habriendo caminda pa decenas di rehen Israeli bay cas.

E alto-el-fuego ta trece speranza di tranquilidad den e guerra mas mortal y destructivo cu Israel y Hamas a bringa—un conflicto cu a destabilisa e region Medio Oriente y a causa protesta mundialmente.

Gruponan grandi di Pales-

tino contento a subi caya na Gaza, gritando cu alegria y alivio. “Ningun hende por sinti kico nos ta sinti awor, un sentimento indescribible,” segun Mahmoud Wadi na Deir al-Balah prome cu uni den e grupo di hende cantando.

E guerra entre Israel y Hamas a resulta den 46,000 Palestino morto na Gaza, segun autoridnan di salud den e territorio. E ministerio di Salud no ta distingui entre combatiente y civil, pero ta bisa cu hende muhe y muchanan

ta conta pa mas cu mita di e fayecidonan.

E guerra entre Israel y Hamas a cuminsa dia 7 di october 2023, ora militantenan di Hamas a organisa un incursion den Israel y a mata aproximadamente 1,200 hende y a secuestra 250 mas. Autoridadnan Israeli ta kere cu un tercera parti di e 100 rehen ainda na Gaza a fayece. E acuerdo di alto-el-fuego tambe ta inclui e liberacion di e resto di e rehennan.

